

त्वां ह्यग्ने सदमित्समन्यवो देवासो देवमरतिं न्येरिर इति क्रत्वा न्येरिरे ।
अमर्त्यं यजत मर्त्येष्वाम् देवमादेवं जनत प्रचेतसं विश्वमादेवं जनत प्रचेतसम् ॥ ४.००१.०१
स भ्रातरं वरुणमग्न आ ववृत्स्व देवाँ अच्छाम सुमती यज्ञवनसं ज्येष्ठं यज्ञवनसम् ।
ऋतावानमादित्यं चर्षणीधृतं राजानं चर्षणीधृतम् ॥ ४.००१.०२
सखे सखायमभ्या ववृत्स्वाशुं न चक्रं रथ्येव रंह्यास्मभ्यं दस्म रंह्या ।
अग्ने मृळीकं वरुणे सचा विदो मरुत्सु विश्वभानुषु ।
तोकाय तुजे शुशुचान शं कृध्यस्मभ्यं दस्म शं कृधि ॥ ४.००१.०३
त्वं नो अग्ने वरुणस्य विद्वान्देवस्य हेळोऽव यासिसीष्टाः ।
यजिष्ठो वह्नितमः शोशुचानो विश्वा द्वेषांसि प्र मुमुग्ध्यस्मत् ॥ ४.००१.०४
स त्वं नो अग्नेऽवमो भवोती नेदिष्ठो अस्या उषसो व्युष्टौ ।
अव यक्ष्व नो वरुणं रराणो वीहि मृळीकं सुहवो न एधि ॥ ४.००१.०५
अस्य श्रेष्ठा सुभगस्य संदृग्देवस्य चित्रतमा मर्त्येषु ।
शुचि धृतं न तप्तमघ्न्याया स्पार्हा देवस्य मंहनेव धेनोः ॥ ४.००१.०६
त्रिरस्य ता परमा सन्ति सत्या स्पार्हा देवस्य जनिमान्यग्नेः ।
अनन्ते अन्तः परिवीत आगाच्छुचिः शुक्रो अर्यो रोरुचानः ॥ ४.००१.०७
स दूतो विश्वेदभि वष्टि सद्या होता हिरण्यरथो रंसुजिह्वः ।
रोहिदश्चो वपुष्यो विभावा सदा एणवः पितृमतीव संसत् ॥ ४.००१.०८
स चेतयन्मनुषो यज्ञबन्धुः प्र तं मह्या रशनया नयन्ति ।
स क्षेत्यस्य दुर्यासु साधन्देवो मर्तस्य सधनित्वमाप ॥ ४.००१.०९
स तू नो अग्निर्नयतु प्रजानन्नच्छा रत्नं देवभक्तं यदस्य ।
धिया यद्विश्चे अमृता अकृण्वन्द्यौष्पिता जनिता सत्यमुक्षन् ॥ ४.००१.१०
स जायत प्रथमः पस्त्यासु महो बुधे रजसो अस्य योनौ ।
अपादशीर्षा गुहमानो अन्तायोयुवानो वृषभस्य नीळे ॥ ४.००१.११
प्र शर्धं आर्तं प्रथमं विपन्यं ऋतस्य योनौ वृषभस्य नीळे ।
स्पार्हो युवा वपुष्यो विभावा सप्त प्रियासोऽजनयन्त वृष्णे ॥ ४.००१.१२
अस्माकमत्र पितरो मनुष्या अभि प्र सेदुर्ऋतमाशुषाणाः ।
अश्मन्नजाः सुदुघा वरे अन्तरुदुस्रा आजन्नुषसो हुवानाः ॥ ४.००१.१३
ते मर्मजत ददुवांसो अद्रिं तदेषामन्ये अभितो वि वौचन् ।
पश्वयन्त्रासो अभि कारमर्चन्विदन्त ज्योतिश्चकृपन्त धीभिः ॥ ४.००१.१४
ते गव्यता मनसा दृध्नमुब्धं गा येमानं परि षन्तमद्रिम् ।
दृळ्हं नरो वचसा दैव्येन व्रजं गोमन्तमुशिशो वि वव्रुः ॥ ४.००१.१५

ते मन्वत प्रथमं नाम धेनोस्त्रिः सप्त मातुः परमाणि विन्दन् ।
 तज्जानतीरभ्यनूषत ब्रा आविर्भुवदस्त्रीर्यशसा गोः ॥ ४.००१.१६
 नेशतमो दुधितं रोचत द्यौरुद्वेव्या उषसो भानुरर्त ।
 आ सूर्यो बृहतस्तिष्ठदज्रां ऋजु मर्तेषु वृजिना च पश्यन् ॥ ४.००१.१७
 आदित्पश्चा बुबुधाना व्यख्यन्नादिद्रत्नं धारयन्त द्युभक्तम् ।
 विश्वे विश्वासु दुर्यासु देवा मित्रं धिये वरुण सत्यमस्तु ॥ ४.००१.१८
 अच्छा वोचेय शुशुचानमग्निं होतारं विश्वभरसं यजिष्ठम् ।
 शुच्यूधो अतृणन्न गवामन्धो न पूतं परिषिक्तमंशोः ॥ ४.००१.१९
 विश्वेषामदितिर्यजियानां विश्वेषामतिथिर्मानुषाणाम् ।
 अग्निर्देवानामव आवृणानः सुमृळीको भवतु जातवेदाः ॥ ४.००१.२०

यो मर्त्येष्वमृतं ऋतावा देवो देवेष्वरतिर्निधायि ।
 होता यजिष्ठो मद्ना शुच्यै हव्यैरग्निर्मनुष ईर्य्यै ॥ ४.००२.०१
 इह त्वं सूनो सहसो नो अद्य जातो जाता उभयां अन्तरग्ने ।
 दूत ईर्यसे युयुजान ऋष्व ऋजुमुष्कान्वृषणः शुक्रांश्च ॥ ४.००२.०२
 अत्या वृधस्नू रोहिता घृतस्नू ऋतस्य मन्ये मनसा जविष्ठा ।
 अन्तरीयसे अरुषा युजानो युष्मांश्च देवान्विश आ च मर्तान् ॥ ४.००२.०३
 अर्यमणं वरुणं मित्रमेषामिन्द्राविष्णुं मरुतो अश्विनोत ।
 स्वश्वो अग्ने सुरथः सुराधा एदु वह सुहृविषे जनाय ॥ ४.००२.०४
 गोमां अग्नेऽविमां अश्वी यज्ञो नृवत्सखा सदमिदप्रमृष्यः ।
 इळावां एषो असुर प्रजावान्दीर्घो रयिः पृथुबुधः सभावान् ॥ ४.००२.०५
 यस्त इध्मं जभरत्सिष्विदानो मूर्धानं वा ततपते त्वाया ।
 भुवस्तस्य स्वतवांः पायुरग्ने विश्वस्मात्सीमघायत उरुष्य ॥ ४.००२.०६
 यस्ते भरादन्नियते चिदन्नं निशिषन्मन्द्रमतिथिमुदीरत् ।
 आ देवयुरिनधते दुरोणे तस्मिन्नयिध्रुवो अस्तु दास्वान् ॥ ४.००२.०७
 यस्त्वा दोषा य उषसि प्रशंसात्प्रियं वा त्वा कृणवते हृविष्मान् ।
 अश्वो न स्वे दम आ हेम्यावान्तमंहसः पीपरो दाश्वांसम् ॥ ४.००२.०८
 यस्तुभ्यमग्ने अमृताय दाशद्दुवस्त्वे कृणवते यतस्रुक् ।
 न स राया शशमानो वि योषन्नैनमंहः परि वरदघायोः ॥ ४.००२.०९
 यस्य त्वमग्ने अध्वरं जुजोषो देवो मर्तस्य सुधितं रराणः ।
 प्रीतेदसद्दोत्रा सा यविष्ठासाम यस्य विधतो वृधासः ॥ ४.००२.१०
 चित्तिमर्चितं चिनवद्वि विद्वान्पृष्ठेव वीता वृजिना च मर्तान् ।
 राये च नः स्वपत्याय देव दितिं च रास्वादितिमुरुष्य ॥ ४.००२.११
 क्विं शशासुः क्वयोऽदब्धा निधारयन्तो दुर्यास्वायोः ।
 अतस्त्वं दृश्यां अग्न एतान्पडिभः पश्येरद्भुतां अर्य एवैः ॥ ४.००२.१२
 त्वमग्ने वाघते सुप्रणीतिः सुतसोमाय विधते यविष्ठ ।

रत्नं भर शशमानाय घृष्वे पृथुश्चन्द्रमवसे चर्षणिप्राः ॥ ४.००२.१३
 अधा ह यद्वयमग्ने त्वाया पडिभर्हस्तेभिश्चक्रमा तनूभिः ।
 रथं न क्रन्तो अपसा भुरिजोर्कृत्तं येमुः सुध्य आशुषाणाः ॥ ४.००२.१४
 अधा मातुरुषसः सप्त विप्रा जायेमहि प्रथमा वेधसो नृन् ।
 दिवस्पुत्रा अङ्गिरसो भवेमाद्रि रुजेम धनिनं शुचन्तः ॥ ४.००२.१५
 अधा यथा नः पितरः परासः प्रत्नासो अग्न क्रतुमाशुषाणाः ।
 शुचीदयन्दीधितिमुक्थशासः क्षामा भिन्दन्तो अरुणीरप व्रन् ॥ ४.००२.१६
 सुकर्माणः सुरुचो देवयन्तोऽयो न देवा जनिमा धमन्तः ।
 शुचन्तो अग्निं ववृधन्त इन्द्रमूर्वं गव्यं परिषदन्तो अगमन् ॥ ४.००२.१७
 आ यूथेव क्षुमति पश्वो अख्यहेवानां यज्जनिमान्त्युग्र ।
 मर्तानां चिदुर्वशीरकृप्रन्वृधे चिदर्य उपरस्यायोः ॥ ४.००२.१८
 अकर्म ते स्वपसो अभूम क्रतुमवस्रन्नृषसो विभातीः ।
 अनूनमग्निं पुरुधा सुश्चन्द्रं देवस्य मर्मजतश्चारु चक्षुः ॥ ४.००२.१९
 एता ते अग्न उचथानि वेधोऽवोचाम कवये ता जुषस्व ।
 उच्छोचस्व कृणुहि वस्यसो नो महो रायः पुरुवार प्र यन्धि ॥ ४.००२.२०

आ वो राजानमध्वरस्य रुद्रं होतारं सत्ययजं रोदस्योः ।
 अग्निं पुरा तनयित्नोरचित्ताद्विरण्यरूपमवसे कृणुध्वम् ॥ ४.००३.०१
 अयं योनिश्चक्रमा यं वयं ते जायेव पत्य उशती सुवासाः ।
 अवाचीनः परिवीतो नि षीदिमा उ ते स्वपाक प्रतीचीः ॥ ४.००३.०२
 आशृण्वते अदृपिताय मन्म नृचक्षसे सुमृळीकाय वेधः ।
 देवाय शस्तिममृताय शंस ग्रावेव सोता मधुषुद्यमीळे ॥ ४.००३.०३
 त्वं चिन्नः शम्या अग्ने अस्या क्रतुस्य बोध्यतचित्स्वाधीः ।
 कदा त उक्था सधमाद्यानि कदा भवन्ति सख्या गृहे ते ॥ ४.००३.०४
 कथा ह तद्गुणाय त्वमग्ने कथा दिवे गर्हसे कन्न आगः ।
 कथा मित्राय मीळ्हुषे पृथिव्यै ब्रवः कदर्यम्णे कङ्गाय ॥ ४.००३.०५
 कद्विष्ण्यासु वृधसानो अग्ने कद्वाताय प्रतवसे शुभये ।
 परिज्मने नासत्याय क्षे ब्रवः कदग्ने रुद्राय नृघ्ने ॥ ४.००३.०६
 कथा महे पृष्टिम्भराय पूष्णे कद्द्राय सुमखाय हविर्दे ।
 कद्विष्णव उरुगायाय रेतो ब्रवः कदग्ने शरवे बृहृत्यै ॥ ४.००३.०७
 कथा शर्धाय मरुतामृताय कथा सुरे बृहते पृच्छमानः ।
 प्रति ब्रवोऽदितये तुराय साधा दिवो जातवेदश्चिकित्वान् ॥ ४.००३.०८
 क्रतेन क्रतं नियतमीळ आ गोरामा सचा मधुमत्पक्वमग्ने ।
 कृष्णा सती रुशता धासिनैषा जामर्येण पर्यसा पीपाय ॥ ४.००३.०९
 क्रतेन हि ष्मा वृषभश्चिदक्तः पुमा अग्निः पर्यसा पृष्ठेन ।
 अस्पन्दमानो अचरद्वयोधा वृषा शुक्रं दुदुहे पृश्नरूधः ॥ ४.००३.१०

ऋतेनाद्रि व्यसन्भिदन्तः समङ्गिरसो नवन्त गोभिः ।
 शुनं नरः परि षदन्नुषासमाविः स्वरभवज्जाते अग्नौ ॥ ४.००३.११
 ऋतेन देवीरमृता अमृक्ता अर्णोभिरापो मधुमङ्गिरग्ने ।
 वाजी न सर्गेषु प्रस्तुभानः प्र सदमित्स्त्रवितवे दधन्युः ॥ ४.००३.१२
 मा कस्य यक्षं सदमिद्धुरो गा मा वेशस्य प्रमिनतो मापेः ।
 मा भ्रातुरग्ने अनृजोऋणं वेर्मा सख्युर्दक्ष रिपोभुजेम ॥ ४.००३.१३
 रक्षा णो अग्ने तव रक्षणेभी रारक्षणः सुमख प्रीणानः ।
 प्रति ष्फुर वि रुज वीड्वंहो जहि रक्षो महि चिद्वावृधानम् ॥ ४.००३.१४
 एभिर्भव सुमना अग्ने अकैरिमान्स्पृश मन्मभिः शूर वाजान् ।
 उत ब्रह्माण्यङ्गिरो जुषस्व सं ते शस्तिर्देववाता जरेत ॥ ४.००३.१५
 एता विश्वा विदुषे तुभ्यं वेधो नीथान्यग्ने निण्या वचांसि ।
 निवचना क्वये काव्यान्यशंसिषं मतिभिर्विप्र उक्थैः ॥ ४.००३.१६

कृणुष्व पाजः प्रसितिं न पृथ्वीं याहि राजेवामवाँ इभेन ।
 तृष्ठीमनु प्रसितिं दूणानोऽस्तासि विध्य रक्षसस्तपिष्ठैः ॥ ४.००४.०१
 तव भ्रमास आशुया पतन्त्यनु स्पृश धृषता शोशुचानः ।
 तपूष्यग्ने जुह्वा पतंगानसंदितो वि सृज विश्वगुल्काः ॥ ४.००४.०२
 प्रति स्पशो वि सृज तूणितमो भवा पायुर्विशो अस्या अदब्धः ।
 यो नो दूरे अघशंसो यो अन्त्यग्ने माकिष्ट व्यथिरा दधर्षीत् ॥ ४.००४.०३
 उदग्ने तिष्ठ प्रत्या तनुष्व न्यशमित्राँ ओषतात्तिग्महेते ।
 यो नो अरातिं समिधान चक्रे नीचा तं धक्ष्यतसं न शुष्काम् ॥ ४.००४.०४
 ऊर्ध्वो भव प्रति विध्याध्यस्मदाविष्कृणुष्व दैव्यान्यग्ने ।
 अव स्थिरा तनुहि यातुजूनां जामिमजामिं प्र मृणीहि शत्रून् ॥ ४.००४.०५
 स ते जानाति सुमतिं यविष्ठ य ईवते ब्रह्मणे गातुमैरत् ।
 विश्वान्यस्मै सुदिनानि रायो द्युम्नान्ययो वि दुरो अभि द्यौत् ॥ ४.००४.०६
 सेदग्ने अस्तु सुभगः सुदानुर्यस्त्वा नित्येन हविषा य उक्थैः ।
 पिप्रीषति स्व आयुषि दुरोणे विश्वेदस्मै सुदिना सासदिष्टिः ॥ ४.००४.०७
 अर्चामि ते सुमतिं घोष्यवाक्सं ते वावाता जरतामियं गीः ।
 स्वश्वास्त्वा सुरथा मर्जयेमास्मे क्षत्राणि धारयेरनु दून् ॥ ४.००४.०८
 इह त्वा भूर्या चरेदुप त्मन्दोषावस्तर्दीदिवांसमनु दून् ।
 क्रीळन्तस्त्वा सुमनसः सपेमाभि द्युम्ना तस्थिवांसो जनानाम् ॥ ४.००४.०९
 यस्त्वा स्वश्वः सुहिरण्यो अग्न उपयाति वसुमता रथेन ।
 तस्य त्राता भवसि तस्य सखा यस्त आतिथ्यमानुषगजुजोषत् ॥ ४.००४.१०
 महो रुजामि बन्धुता वचोभिस्तन्मा पितुर्गोतमादन्विधाय ।
 त्वं नो अस्य वचसश्चिकिद्धि होतर्यविष्ठ सुक्रतो दमूनाः ॥ ४.००४.११
 अस्वप्नजस्तरणयः सुशेवा अतन्द्रासोऽवृका अश्रमिष्ठाः ।

ते पायवः सध्र्यञ्चो निषद्याग्ने तव नः पान्त्वमूर ॥ ४.००४.१२
 ये पायवो मामतेयं ते अग्ने पश्यन्तो अन्धं दुरितादरक्षन् ।
 ररक्ष तान्सुकृतो विश्ववेदा दिप्सन्त इन्द्रिपवो नाह देभुः ॥ ४.००४.१३
 त्वया वयं सध्न्यस्त्वोतास्तव प्रणीत्यश्याम वाजान् ।
 उभा शंसा सूदय सत्यतातेऽनुष्टुया कृणुह्यह्याण ॥ ४.००४.१४
 अया ते अग्ने समिधा विधेम प्रति स्तोमं शस्यमानं गृभाय ।
 दहाशसो रक्षसः पाह्यस्मान्द्रुहो निदो मित्रमहो अवद्यात् ॥ ४.००४.१५

वैश्वानराय मीळ्हुषे सजोषाः कथा दाशेमाग्नेये बृहद्भाः ।
 अनूनेन बृहता वक्षथेनोप स्तभायदुपमिन्न रोधः ॥ ४.००५.०१
 मा निन्दत य इमां मह्यं रातिं देवो ददौ मर्त्याय स्वधावान् ।
 पाकाय गृत्सो अमृतो विचेता वैश्वानरो नृतमो यहो अग्निः ॥ ४.००५.०२
 सामं द्विर्वा महि तिग्मभृष्टिः सहस्ररेता वृषभस्तुविष्मान् ।
 पदं न गोरपगूळं विविद्वानग्निर्मह्यं प्रेदु वोचन्मनीषाम् ॥ ४.००५.०३
 प्र ताँ अग्निर्भसत्तिग्मजम्भस्तपिष्ठेन शोचिषा यः सुराधाः ।
 प्र ये मिनन्ति वरुणस्य धामं प्रिया मित्रस्य चेततो ध्रुवाणि ॥ ४.००५.०४
 अभ्रातरो न योषणो व्यन्तः पतिरिपो न जनयो दुरेवाः ।
 पापासः सन्तो अनुता असत्या इदं पदमजनता गभीरम् ॥ ४.००५.०५
 इदं मे अग्ने कियते पावकामिनते गुरुं भारं न मन्म ।
 बृहद्धाथ धृषता गभीरं यह्यं पृष्ठं प्रयसा सप्तधातु ॥ ४.००५.०६
 तमिन्नवेश्व समना समानमभि क्रत्वा पुनती धीतिरश्याः ।
 ससस्य चर्मन्नधि चारु पृश्नेरग्रे रूप आरुपितं जवारु ॥ ४.००५.०७
 प्रवाच्यं वचसः किं मे अस्य गुहा हितमुप निणिगवदन्ति ।
 यदुस्रियाणामप वारिव व्रन्पाति प्रियं रूपो अग्रं पदं वेः ॥ ४.००५.०८
 इदमु त्यन्महि महामनीकं यदुस्रिया सचत पूव्यं गौः ।
 ऋतस्य पदे अधि दीद्यानं गुहा रघुष्यद्रघुयद्विवेद ॥ ४.००५.०९
 अध द्युतानः पित्रोः सचासामनुत् गुह्यं चारु पृश्नेः ।
 मातुष्पदे परमे अन्ति षड्गोवृष्णः शोचिषः प्रयतस्य जिह्वा ॥ ४.००५.१०
 ऋतं वोचे नमसा पृच्छमानस्तवाशसा जातवेदो यदीदम् ।
 त्वमस्य क्षयसि यद्ध विश्वं दिवि यदु द्रविणं यत्पृथिव्याम् ॥ ४.००५.११
 किं नो अस्य द्रविणं कद्ध रत्नं वि नो वोचो जातवेदस्त्रिक्त्वान् ।
 गुहाध्वनः परमं यन्नो अस्य रेकु पदं न निदाना अगन्म ॥ ४.००५.१२
 का मर्यादा व्युना कद्ध वाममच्छा गमेम रघवो न वाजम् ।
 कदा नो देवीरमृतस्य पत्नीः सूरौ वर्णेन ततननुषासः ॥ ४.००५.१३
 अनिरेण वचसा फल्वेन प्रतीत्येन कृधुनातुपासः ।
 अधा ते अग्ने किमिहा वदन्त्यनायुधास आसता सचन्ताम् ॥ ४.००५.१४

अस्य श्रिये समिधानस्य वृष्णो वसोरनीकं दम् आ रुरोच ।
रुशद्वसानः सुदृशीकरूपः क्षितिर्न राया पुरुवारो अद्यौत् ॥ ४.००५.१५

ऊर्ध्वं ऊ षु णो अध्वरस्य होतरग्ने तिष्ठ देवताता यजीयान् ।
त्वं हि विश्वमभ्यसि मन्म प्र वेधसश्चित्तिरसि मनीषाम् ॥ ४.००६.०१
अमूरो होता न्यसादि विक्ष्वश्र्गिनर्मन्द्रो विदथेषु प्रचेताः ।
ऊर्ध्वं भानुं सवितेवाश्रन्मेतेव धूमं स्तभायदुप द्याम् ॥ ४.००६.०२
यता सुजूर्णी रातिनी घृताची प्रदक्षिणिह्वेवतातिमुराणः ।
उदु स्वरुर्नवजा नाक्रः पश्वो अनक्ति सुधितः सुमेकः ॥ ४.००६.०३
स्तीर्णे बर्हिषि समिधाने अग्ना ऊर्ध्वो अध्वर्युर्जुषाणो अस्थात् ।
पर्यग्निः पशुपा न होता त्रिविष्येति प्रदिव उराणः ॥ ४.००६.०४
परि त्मना मितद्वरेति होताग्निर्मन्द्रो मधुवचा ऋतावा ।
द्रवन्त्यस्य वाजिनो न शोका भयन्ते विश्वा भुवना यदभ्राट् ॥ ४.००६.०५
भद्रा ते अग्ने स्वनीक संदृग्घोरस्य सतो विषुणस्य चारुः ।
न यत्ते शोचिस्तमसा वरन्त न ध्वस्मानस्तन्वीडि रेप आ धुः ॥ ४.००६.०६
न यस्य सातुर्जनिंतोरवारि न मातरापितरा नू चिदिष्टौ ।
अधा मित्रो न सुधितः पावकोऽग्निर्दीदाय मानुषीषु विक्षु ॥ ४.००६.०७
द्वियं पञ्च जीजनन्संवसानाः स्वसारो अग्निं मानुषीषु विक्षु ।
उषर्बुधमथयोडि न दन्तं शुक्रं स्वासं परशुं न तिग्मम् ॥ ४.००६.०८
तव त्ये अग्ने हरितो घृतस्ना रोहितास ऋज्वञ्चः स्वञ्चः ।
अरुषासो वृषाण ऋजुमुष्का आ देवतातिमहन्त दस्माः ॥ ४.००६.०९
ये ह त्ये ते सहमाना अयासस्त्वेषासो अग्ने अर्चयश्चरन्ति ।
श्येनासो न दुवसनासो अथं तुविष्वणसो मारुतं न शर्धः ॥ ४.००६.१०
अकारि ब्रह्म समिधान तुभ्यं शंसात्युक्थं यजते व्यू धाः ।
होतारमग्निं मनुषो नि षेदुर्नमस्यन्त उशिजः शंसमायोः ॥ ४.००६.११

अयमिह प्रथमो धायि धातृभिर्होता यजिष्ठो अध्वरेष्वीड्यः ।
यमप्नवानो भृगवो विरुरुचुर्वनेषु चित्रं विभ्वं विशेविशे ॥ ४.००७.०१
अग्ने कदा त आनुषग्भुवद्देवस्य चेतनम् ।
अधा हि त्वा जगृभ्रिरे मतासो विक्ष्वीड्यम् ॥ ४.००७.०२
ऋतावानं विचेतसं पश्यन्तो द्यामिव स्तृभिः ।
विश्वेषामध्वराणां हस्कतारं दमेदमे ॥ ४.००७.०३
आशुं दूतं विवस्वतो विश्वा यश्चर्षणीरभि ।
आ जभ्रुः केतुमायवो भृगवाणं विशेविशे ॥ ४.००७.०४
तमी होतारमानुषकिर्चाक्त्वांसं नि षेदिरे ।
रणं पावकशोचिषं यजिष्ठं सप्त धामभिः ॥ ४.००७.०५

तं शश्वतीषु मातृषु वन आ वीतमश्रितम् ।
 चित्रं सन्तं गुहां हितं सुवेदं कूचिदर्थिनम् ॥ ४.००७.०६
 ससस्य यद्वियुता सस्मिन्नूधन्नृतस्य धामन्नयन्त देवाः ।
 महाँ अग्निर्नमसा रातहव्यो वेरध्वराय सदमिदृतावा ॥ ४.००७.०७
 वेरध्वरस्य दृत्यानि विद्वानुभे अन्ता रोदसी संचिकित्वान् ।
 दूत ईयसे प्रदिव उराणो विदुष्टरो दिव आरोधनानि ॥ ४.००७.०८
 कृष्णं त एम रुशतः पुरो भाश्चरिष्णवश्चिर्वपुषामिदेकम् ।
 यदप्रवीता दधते ह गभं सद्यश्चिज्जातो भवसीदु दूतः ॥ ४.००७.०९
 सद्यो जातस्य ददृशानमोजो यदस्य वातो अनुवाति शोचिः ।
 वृणक्ति तिगमामतसेषु जिह्वां स्थिरा चिदन्ना दयते वि जम्मैः ॥ ४.००७.१०
 तृषु यदन्ना तृषुणा ववक्ष तृषु दूतं कृणुते यद्वा अग्निः ।
 वातस्य मेळिं सचते निजूर्वन्नाशुं न वाजयते हिन्वे अवाँ ॥ ४.००७.११

दूतं वो विश्ववेदसं हव्यवाहममर्त्यम् ।
 यजिष्ठमृञ्जसे गिरा ॥ ४.००८.०१
 स हि वेदा वसुधितिं महाँ आरोधनं दिवः ।
 स देवाँ एह वक्षति ॥ ४.००८.०२
 स वेद देव आनमं देवाँ ऋतायते दमे ।
 दाति प्रियाणि चिद्वसु ॥ ४.००८.०३
 स होता सेदु दृत्यं चिकित्वाँ अन्तरीयते ।
 विद्वान् आरोधनं दिवः ॥ ४.००८.०४
 ते स्याम ये अग्नये ददाशुहव्यदातिभिः ।
 य ई पुष्यन्त इन्धते ॥ ४.००८.०५
 ते राया ते सुवीर्यैः ससवांसो वि शृण्विरे ।
 ये अग्ना दधिरे दुवः ॥ ४.००८.०६
 अस्मे रायो दिवेदिवे सं चरन्तु पुरुस्पृहः ।
 अस्मे वाजास ईरताम् ॥ ४.००८.०७
 स विप्रश्चर्षणीनां शवसा मानुषाणाम् ।
 अति क्षिप्रेव विध्यति ॥ ४.००८.०८

अग्ने मूळ महाँ असि य ईमा देवयुं जनम् ।
 इथेथ बर्हिं रासदम् ॥ ४.००९.०१
 स मानुषीषु दूळभो विक्षु प्रावीरमर्त्यः ।
 दूतो विश्वेषां भुवत् ॥ ४.००९.०२
 स सद्य परि णीयते होता मन्द्रो दिविष्टिषु ।
 उत पोता नि षीदति ॥ ४.००९.०३

उ॒त ग॒ना अ॒ग्नि॒रध्व॒र उ॒तो गृ॒हप॑ति॒र्दमे॑ ।
 उ॒त ब्र॒ह्मा नि॒ षी॑दति ॥ ४.००९.०४
 वे॒षि ह्य॑ध्वरी॒यता॑मु॒पव॑क्ता ज॒नाना॑म् ।
 ह॒व्या च॑ मा॒नुषा॑णाम् ॥ ४.००९.०५
 वे॒षीद्व॑स्य दू॒त्यं य॑स्य जु॒जोषो॑ अध्व॒रम् ।
 ह॒व्यं म॑र्त॒स्य वो॒ळह॑वे ॥ ४.००९.०६
 अ॒स्माकं॑ जोष्यध्व॒रम॑स्माकं॑ य॒ज्ञम॑ङ्गिरः ।
 अ॒स्माकं॑ शृ॒णुधी॑ ह॒वम् ॥ ४.००९.०७
 परि॑ ते दू॒ळभो॑ रथोऽस्माँ अ॒श्नोतु॑ वि॒श्वतः॑ ।
 येन॑ रक्ष॒सि दा॑शुषः ॥ ४.००९.०८

अ॒ग्ने त॑म॒द्याञ्च॑ न स्तो॒मैः क्र॑तुं न भ॒द्रं ह॑दि॒स्पृश॑म् ।
 ऋ॒ध्यामा॑ त॒ ओहैः॑ ॥ ४.०१०.०१
 अ॒धा ह्य॑ग्ने॒ क्रतो॑र्भ॒द्रस्य॑ दक्ष॒स्य सा॑धोः ।
 रथी॑र्ऋ॒तस्य॑ बृ॒हतो॑ ब॒भूथ॑ ॥ ४.०१०.०२
 ए॒भिर्नो॑ अ॒र्केर्भ॑वा॒ नो अ॒र्वाङ्स्व॑र्णं॒ ज्योतिः॑ ।
 अ॒ग्ने वि॒श्वेभिः॑ सु॒मना॑ अ॒नीकैः॑ ॥ ४.०१०.०३
 आ॒भिष्टे॑ अ॒द्य गी॑र्भिर्गु॒णन्तो॑ऽग्ने॒ दाशे॑म ।
 प्र॒ ते दि॒वो न॑ स्त॒नय॑न्ति शु॒ष्माः ॥ ४.०१०.०४
 तव॑ स्वा॒दिष्टा॑ग्ने॒ संदृ॑ष्टि॒रिदा॑ चि॒दह्म॑ इ॒दा चि॑द॒क्तोः ।
 श्रिये॑ रू॒कमो॑ न रो॒चत॑ उ॒पाके॑ ॥ ४.०१०.०५
 घृ॒तं न॑ पू॒तं त॑नू॒रर॑पाः शु॒चि॑ हिर॒ण्यम् ।
 तत्ते॑ रू॒कमो॑ न रो॒चत॑ स्व॒धावः॑ ॥ ४.०१०.०६
 कृतं॑ चि॒द्धि ष्मा॑ स॒नेमि॑ द्वेषोऽग्ने॒ इ॒नोषि॑ म॒तात् ।
 इ॒त्था य॑ज॒माना॑दृ॒तावः॑ ॥ ४.०१०.०७
 शि॒वा नः॑ स॒ख्या स॑न्तु॒ भ्रात्रा॑ग्ने॒ दे॒वेषु॑ यु॒ष्मे ।
 सा॒ नो ना॑भिः स॒दने॑ स॒स्मिन्नू॑धन् ॥ ४.०१०.०८

भ॒द्रं ते॑ अ॒ग्ने स॒हसि॒न्ननी॑कमु॒पाक॑ आ रो॒चते॑ सू॒र्यस्य॑ ।
 रु॒शदृ॑शे द॒दृशे॑ न॒क्तया॑ चि॒दरू॑क्षितं दृ॒श आ॑ रू॒पे अ॒न्नम् ॥ ४.०११.०१
 वि॒ षा॒ह्यग्ने॑ गृ॒णते॑ म॒नीषां॑ खं वे॒पसा॑ तु॒विजा॑त॒ स्तवा॑नः ।
 वि॒श्वेभि॑र्य॒द्वाव॑नः॒ शुक्र॑ दे॒वैस्त॑न्नो॒ रास्व॑ सु॒महो॑ भूरि॒ मन्म॑ ॥ ४.०११.०२
 त्वद॑ग्ने॒ काव्या॑ त्वन्म॒नीषा॑स्त्वदु॒क्था जा॑यन्ते॒ राध्या॑नि ।
 त्वदे॑ति॒ ब्रवि॑णं॒ वी॒रपे॑शा॒ इत्था॑धि॒ये दा॑शु॒षे म॑त्या॒य ॥ ४.०११.०३
 त्वद्वा॑जी वा॒जम्भ॑रो वि॒हाया॑ अ॒भिष्टि॑कृ॒ज्जाय॑ते स॒त्यशु॑ष्मः ।
 त्वद्वा॑यि॒र्देव॑जू॒तो म॑यो॒भुस्त्वदा॑शु॒जूजू॑वाँ अ॒ग्ने अ॒र्वा ॥ ४.०११.०४

त्वामग्ने प्रथमं देवयन्तो देवं मतां अमृत मन्द्रजिह्वम् ।
 द्वेषोयुतमा विवासन्ति धीभिर्दमूनसं गृहपतिममूरम् ॥ ४.०११.०५
 आरे अस्मदमतिमारे अंह आरे विश्वां दुर्मतिं यन्निपासि ।
 दोषा शिवः सहसः सूनो अग्ने यं देव आ चित्सचसे स्वस्ति ॥ ४.०११.०६

यस्त्वामग्ने इनधते यतसुक्त्रिस्ते अन्नं कृणवत्सस्मिन्नहन् ।
 स सु दुम्नैरभ्यस्तु प्रसक्षत्तव क्रत्वा जातवेदश्चिकित्वान् ॥ ४.०१२.०१
 इध्मं यस्ते जभरच्छश्रमाणो महो अग्ने अनीकमा सपर्यन् ।
 स इधानः प्रति दोषामुषासं पुष्यत्रयिं सचते घ्नन्नमित्रान् ॥ ४.०१२.०२
 अग्निरीशे बृहत् क्षत्रियस्याग्निर्वाजस्य परमस्य रायः ।
 दधाति रत्नं विधते यविष्टो व्यानुषङ्गात्याय स्वधावान् ॥ ४.०१२.०३
 यच्चिद्धि ते पुरुषत्रा यविष्टाचित्तिभिश्चकृमा कच्चिदागः ।
 कृधी ष्वश्र्मां अदितेरनागान्व्येनांसि शिश्रथो विष्वगग्ने ॥ ४.०१२.०४
 महश्चिदग्न एनसो अभीक ऊर्वाह्वानामुत मत्यानाम् ।
 मा ते सखायः सदमिद्रिषाम यच्छा तोकाय तनयाय शं योः ॥ ४.०१२.०५
 यथा ह त्यद्वसवो गौर्यं चित्पदि षिताममुञ्चता यजत्राः ।
 एवो ष्वश्र्मन्मुञ्चता व्यंहः प्र तार्यग्ने प्रतरं न आयुः ॥ ४.०१२.०६

प्रत्यग्निरुषसामग्रमख्यद्विभातीनां सुमना रत्नधेयम् ।
 यातमश्विना सुकृतो दुरोणमुत्सूर्यो ज्योतिषा देव एति ॥ ४.०१३.०१
 ऊर्ध्वं भानुं सविता देवो अश्रेद्द्रप्सं दविध्वद्गविषो न सत्वा ।
 अनु व्रतं वरुणो यन्ति मित्रो यत्सूर्यं दिव्यारोहयन्ति ॥ ४.०१३.०२
 यं सीमकृण्वन्तमसे विपृचे ध्रुवक्षेमा अनवस्यन्तो अर्थम् ।
 तं सूर्यं ह्यरितः सप्त यद्ही स्पशं विश्वस्य जगतो वहन्ति ॥ ४.०१३.०३
 वहिष्टेभिर्विहरन्यासि तन्तुमवव्ययन्नसितं देव वस्म ।
 दविध्वतो रश्मयः सूर्यस्य चर्मेवावाधुस्तमो अप्स्वश्र्तः ॥ ४.०१३.०४
 अनायतो अनिबद्धः कथायं न्यङ्कुत्तानोऽव पद्यते न ।
 कया याति स्वधया को ददर्श दिव स्कम्भः समृतः पाति नाकम् ॥ ४.०१३.०५

प्रत्यग्निरुषसो जातवेदा अख्यद्वेवो रोचमाना महोभिः ।
 आ नासत्योरुगाया रथेनमं यज्ञमुप नो यातमच्छ ॥ ४.०१४.०१
 ऊर्ध्वं केतुं सविता देवो अश्रेज्ज्योतिर्विश्वस्मै भुवनाय कृण्वन् ।
 आप्रा द्यावापृथिवी अन्तरिक्षं वि सूर्यो रश्मिभिश्चेकितानः ॥ ४.०१४.०२
 आवहन्त्यरुणीज्योतिषागान्मही चित्रा रश्मिभिश्चेकिताना ।
 प्रबोधयन्ती सुविताय देव्युषा ईयते सुयुजा रथेन ॥ ४.०१४.०३
 आ वां वहिष्टा इह ते वहन्तु रथा अश्वास उषसो व्युष्टौ ।

इ॒मे हि वा॑ मधु॒पेया॑य॒ सोमा॑ अ॒स्मिन् य॒ज्ञे वृ॑षणा मादयेथाम् ॥ ४.०१४.०४
 अना॑यतो॒ अनि॑बद्धः कथा॑यं न्य॒ङ्कु॒त्तानो॑ऽव॒ पद्य॑ते न ।
 कया॑ याति स्व॒धया॑ को ददर्श॑ दि॒व॒ स्व॒म्भः॑ समृतः पाति॒ नाक॑म् ॥ ४.०१४.०५

अ॒ग्नि॒र्होता॑ नो अ॒ध्वरे॑ वा॒जी स॒न्परि॑ णीयते ।

दे॒वो दे॒वेषु॑ य॒ज्ञियः॑ ॥ ४.०१५.०१

परि॑ त्रि॒वि॒ष्ट्य॑ध्व॒रं या॒त्य॒ग्नी र॒थीरि॑व ।

आ दे॒वेषु॑ प्र॒यो दध॑त् ॥ ४.०१५.०२

परि॑ वा॒ज॒पतिः॑ क॒वि॒र॒ग्नि॒र्ह॒व्या॒न्य॒क्र॒मीत् ।

दध॑द्र॒त्नानि॑ दा॒शुषे॑ ॥ ४.०१५.०३

अ॒यं यः सृ॒ज्जये॑ पु॒रो दै॒ववा॑ते स॒मि॒ध्यते॑ ।

द्यु॒मां अ॒मि॒त्र॒द॒म्भ॒नः॑ ॥ ४.०१५.०४

अस्य॑ घा वी॒र ई॒वतो॑ऽग्ने॒री॒शीत् म॒र्त्यः॑ ।

ति॒ग्म॒ज॒म्भ॒स्य मी॒ळ॒हुषः॑ ॥ ४.०१५.०५

तम॑र्व॒न्तं न सा॑नि॒सि॒म॒रुषं॑ न दि॒वः शि॒शुम् ।

म॒र्म॒ज्य॒न्ते दि॒वेदि॒वे ॥ ४.०१५.०६

बो॒ध॒द्यन्मा॑ हरि॒भ्यां कु॒मा॒रः सा॒ह॒दे॒व्यः ।

अ॒च्छा॑ न हू॒त उ॒दर॑म् ॥ ४.०१५.०७

उ॒त त्या॑ य॒ज॒ता ह॒री कु॒मा॒रात्सा॒ह॒दे॒व्यात् ।

प्र॒य॒ता सद्य॑ आ द॒दे ॥ ४.०१५.०८

ए॒ष वा॑ दे॒वाव॑श्चि॒ना कु॒मा॒रः सा॒ह॒दे॒व्यः ।

दी॒र्घा॒यु॒रस्तु॑ सोम॑कः ॥ ४.०१५.०९

तं यु॒वं दे॒वाव॑श्चि॒ना कु॒मा॒रं सा॒ह॒दे॒व्यम् ।

दी॒र्घा॒युषं॑ कृ॒णो॒त न ॥ ४.०१५.१०

आ स॒त्यो या॑तु म॒घवा॑ ऋ॒जीषी॑ द्रव॒न्त्वस्य॑ हर॒य॒ उप॑ नः ।

तस्मा॑ इ॒दन्धः॑ सु॒षुमा॑ सु॒दक्ष॑मि॒हाभि॑पि॒त्वं क॑रते गृ॒णानः॑ ॥ ४.०१६.०१

अव॑स्य शू॒राध्व॑नो॒ नान्ते॑ऽस्मि॒न्नो अद्य॑ सवने म॒न्द॒ध्यै ।

शंसा॑त्यु॒क्थमु॑शने॒व वे॒धाश्चि॑कितुषे॒ असु॑या॒य म॒न्म ॥ ४.०१६.०२

क॒वि॒र्न नि॒णयं॑ वि॒दथा॑नि सा॒ध॒न्वृषा॑ यत्सेकं वि॒पि॒पानो॑ अ॒र्चात् ।

दि॒व इ॒त्था जी॑जनत्स॒प्त का॒रु॒न॒ह्ना चि॒च्च॒क्रु॒र्व॒युना॑ गृ॒णन्तः॑ ॥ ४.०१६.०३

स्व॒श्र्य॑द्विदि॒ सु॒दृशी॑क॒र्मकै॑र्महि॒ ज्योती॑ रुरुचु॒र्यद्भ॑ वस्तोः ।

अ॒न्धा तमा॑सि॒ दु॒र्घिता॑ वि॒चक्षे॑ नृ॒भ्यश्च॑का॒र नृ॒त॒मो अ॒भिष्टौ॑ ॥ ४.०१६.०४

व॒वक्ष॑ इन्द्रो॒ अमि॑त॒मृ॒जीष्यु॑श्चे॒ आ प॑प्रौ रो॒दसी॑ म॒हित्वा ।

अ॒तश्चि॑दस्य म॒हि॒मा वि॑ रे॒च्यभि॑ यो वि॒श्वा भु॑व॒ना ब॒भूव॑ ॥ ४.०१६.०५

वि॒श्वा॒नि श॒क्रो न॑या॒णि वि॒द्वान॑पो रि॒रेच॑ स॒खिभि॑र्निका॒मैः ।

अश्मानं चिद्ये विभिदुर्वचोभिर्ब्रजं गोमन्तमुशिजो वि वव्रुः ॥ ४.०१६.०६
 अपो वृत्रं वव्रिवांसं पराहन्प्रावत्ते वज्रं पृथिवी सचेताः ।
 प्राणांसि समुद्रियाण्यैनोः पतिर्भक्ञ्छवसा शूर धृष्णो ॥ ४.०१६.०७
 अपो यदद्रिं पुरुहूत दर्दराविभुवत्सरमा पूव्यं ते ।
 स नो नेता वाजमा दर्षि भूरि गोत्रा रुजन्नङ्गिरोभिर्गृणानः ॥ ४.०१६.०८
 अच्छा क्विं नृमणो गा अभिष्टौ स्वर्षाता मघवन्नाधमानम् ।
 ऊतिभिस्तमिषणो द्युम्नहूतौ नि मायावानब्रह्मा दस्युरर्त ॥ ४.०१६.०९
 आ दस्युघ्ना मनसा याह्यस्तं भुवत्ते कुत्सः सख्ये निकामः ।
 स्वे योनौ नि षदतं सरूपा वि वां चिकित्सदृत्तचिद्ध नारी ॥ ४.०१६.१०
 यासि कुत्सेन सरथमवस्युस्तोदो वातस्य हर्योरीशानः ।
 ऋज्जा वाजं न गध्यं युयूषन्क्विर्यदहन्पार्याय भूषात् ॥ ४.०१६.११
 कुत्साय शुष्णमशुषं नि बर्हीः प्रपित्वे अह्नः कुर्यवं सहस्रा ।
 सद्यो दस्युन्प्र मृण कुत्स्येन प्र सूरश्चक्रं वृहतादभीके ॥ ४.०१६.१२
 त्वं पिप्लु मृगयं शूशुवांसमृजिश्चने वैदथिनाय रन्धीः ।
 पञ्चाशत्कृष्णा नि वपः सहस्रात्कं न पुरो जरिमा वि दर्दः ॥ ४.०१६.१३
 सूर उपके तन्वंश्रु दधानो वि यत्ते चेत्यमृतस्य वर्षः ।
 मृगो न हस्ती तविषीमुषाणः सिंहो न भीम आयुधानि विभ्रत् ॥ ४.०१६.१४
 इन्द्रं कामा वसूयन्तो अगमन्स्वर्मीळ्हे न सवने चकानाः ।
 श्रवस्ववः शशमानास उक्थैरोको न रणवा सुदृशीव पुष्टिः ॥ ४.०१६.१५
 तमिद्ध इन्द्रं सुहवं हुवेम यस्ता चकार नया पुरुणि ।
 यो मावते जरित्रे गध्यं चिन्मक्षू वाजं भरति स्पार्हराधाः ॥ ४.०१६.१६
 तिग्मा यदन्तरशनिः पताति कस्मिञ्चिच्छर मुहुके जनानाम् ।
 घोरा यदर्यं समृतिर्भवात्यध स्मा नस्तन्वो बोधि गोपाः ॥ ४.०१६.१७
 भुवोऽविता वामदेवस्य धीनां भुवः सखावृको वाजसातौ ।
 त्वामनु प्रमतिमा जगन्मोक्षंसो जरित्रे विश्वध स्याः ॥ ४.०१६.१८
 एभिर्नृभिरिन्द्र त्वायुभिष्टवा मघवद्भिर्मघवन्विश्व आजौ ।
 द्यावो न द्युम्नैरभि सन्तो अर्यः क्षपो मदिम शरदश्च पूर्वीः ॥ ४.०१६.१९
 एवेदिन्द्राय वृषभाय वृष्णे ब्रह्माकर्म भृगवो न रथम् ।
 नू चिद्यथा नः सख्या वियोषदसन्न अगोऽविता तनूपाः ॥ ४.०१६.२०
 नू द्रुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०१६.२१

त्वं महा इन्द्र तुभ्यं ह क्षा अनु क्षत्रं मंहना मन्यत द्यौः ।
 त्वं वृत्रं शवसा जघन्वान्सृजः सिन्धूरहिना जग्रसानान् ॥ ४.०१७.०१
 तव त्विषो जनिमन्त्रेजत द्यौ रेजङ्गमिभियसा स्वस्य मन्योः ।
 ऋघायन्तं सुभ्वश्रुः पर्वतास आदन्धन्वानि सरयन्त आपः ॥ ४.०१७.०२

भिनङ्गिरिं शवसा वज्रमिष्णन्नाविष्कृण्वानः सहसान ओजः ।
 वधीद्वत्रं वज्रेण मन्दसानः सरन्नापो जवसा हतवृष्णीः ॥ ४.०१७.०३
 सुवीरस्ते जनिता मन्यत द्यौरिन्द्रस्य कर्ता स्वपस्तमो भूत् ।
 य ई जजान स्वयं सुवज्रमनपच्युतं सदसो न भूम ॥ ४.०१७.०४
 य एक इच्छ्यावयति प्र भूमा राजा कृष्टीनां पुरुहूत इन्द्रः ।
 सत्यमेनमनु विश्वे मदन्ति रातिं देवस्य गृणतो मघोनः ॥ ४.०१७.०५
 सत्रा सोमा अभवन्नस्य विश्वे सत्रा मदासो बृहतो मदिष्टाः ।
 सत्राभवो वसुपतिर्वसूनां दत्रे विश्वा अधिथा इन्द्र कृष्टीः ॥ ४.०१७.०६
 त्वमध प्रथमं जायमानोऽमे विश्वा अधिथा इन्द्र कृष्टीः ।
 त्वं प्रति प्रवत आशयानमहि वज्रेण मघवन्वि वृश्चः ॥ ४.०१७.०७
 सत्राहणं दाधृषिं तुम्रमिन्द्रं महामपारं वृषभं सुवज्रम् ।
 हन्ता यो वृत्रं सनितोत वाजं दाता मघानि मघवा सुराधाः ॥ ४.०१७.०८
 अयं वृत्श्चातयते समीचीर्य आजिषु मघवा शृण्व एकः ।
 अयं वाजं भरति यं सनोत्यस्य प्रियासः सख्ये स्याम ॥ ४.०१७.०९
 अयं शृण्वे अध जयन्नुत घ्नन्नयमुत प्र कृणुते युधा गाः ।
 यदा सत्यं कृणुते मन्युमिन्द्रो विश्वं दृळ्हं भयत एजदस्मात् ॥ ४.०१७.१०
 समिन्द्रो गा अजयत्सं हिरण्या समश्चिया मघवा यो ह पूर्वीः ।
 एभिर्नृभिर्नृतमो अस्य शकै रायो विभक्ता सम्भरश्च वस्वः ॥ ४.०१७.११
 कियत्स्विदिन्द्रो अध्येति मातुः कियत्पितुर्जनितुर्यो जजान ।
 यो अस्य शुष्मं मुहुकैरियति वातो न जूत स्तनयद्भिर्भ्रैः ॥ ४.०१७.१२
 क्षियन्तं त्वमक्षियन्तं कृणोतीर्यति रेणुं मघवा समोहम् ।
 विभञ्जनुरशनिमां इव द्यौस्त स्तोतारं मघवा वसौ धात् ॥ ४.०१७.१३
 अयं चक्रमिषणत्सूर्यस्य न्येतशं रीरमत्ससृमाणम् ।
 आ कृष्ण ई जुहुराणो जिघर्ति त्वचो बुधे रजसो अस्य योनौ ॥ ४.०१७.१४
 असिकन्यां यजमानो न होता ॥ ४.०१७.१५
 गव्यन्त इन्द्रं सख्याय विप्रा अश्वायन्तो वृषणं वाजयन्तः ।
 जनीयन्तो जनिदामक्षितोतिमा च्यावयामोऽवते न कोशम् ॥ ४.०१७.१६
 त्राता नो बोधि ददृशान आपिरभिख्याता मडिता सोम्यानाम् ।
 सखा पिता पितृत्तमः पितृणां कर्तुमु लोकमुशते वयोधाः ॥ ४.०१७.१७
 सखीयतामविता बोधि सखा गृणान इन्द्र स्तुवते वयो धाः ।
 वयं ह्या ते चक्रुमा सबाध आभिः शमीभिर्महयन्त इन्द्र ॥ ४.०१७.१८
 स्तुत इन्द्रो मघवा यद्ध वृत्रा भूरीण्येको अप्रतीनि हन्ति ।
 अस्य प्रियो जरिता यस्य शर्मन्नकिर्देवा वारयन्ते न मर्ताः ॥ ४.०१७.१९
 एवा न इन्द्रो मघवा विरप्शी करत्सत्या चर्षणीधृदन्वा ।
 त्वं राजा जनुषां धेह्यस्मे अधि श्रवो माहिनं यज्जरित्रे ॥ ४.०१७.२०
 नू ष्ट इन्द्र नू गृणान इषं जरित्रे नद्योऽं न पीपिः ।

अकारि ते हरिवो ब्रह्म नव्यं धिया स्याम रथ्यः सदासाः ॥ ४.०१७.२१

अयं पन्था अनुवित्तः पुराणो यतो देवा उदजायन्त विश्वे ।
अतश्चिदा जनिषीष्ट प्रवृद्धो मा मातरममुया पत्तवि कः ॥ ४.०१८.०१
नाहमतो निरया दुर्गहैतत्तिरश्चता पार्श्वान्निर्गमाणि ।
बहूनि मे अकृता कत्वांनि युध्यै त्वेन सं त्वेन पृच्छै ॥ ४.०१८.०२
परायती मातरमन्वचष्ट न नानु गान्यनु नू गमानि ।
त्वष्टुर्गृहि अपिबत्सोममिन्द्रः शतधन्यं चम्बोः सुतस्य ॥ ४.०१८.०३
किं स ऋधक्कृणवद्यं सहस्रं मासो जभार शरदश्च पूर्वीः ।
नही न्वस्य प्रतिमानमस्त्यन्तजतिभूत ये जनित्वाः ॥ ४.०१८.०४
अवद्यमिव मन्यमाना गुहाकरिन्द्रं माता वीर्येणा न्यृष्टम् ।
अथोदस्थात्स्वयमत्कं वसान आ रोदसी अपृणाज्जायमानः ॥ ४.०१८.०५
एता अर्षन्त्यललाभवन्तीर्ऋतावरीरिव संक्रोशमानाः ।
एता वि पृच्छ किमिदं भनन्ति कमापो अद्रिं परिधिं रुजन्ति ॥ ४.०१८.०६
किमु श्विदस्मै निविदो भनन्तेन्द्रस्यावद्यं दिधिषन्त आपः ।
ममैतान्पुत्रो महता वधेन वृत्रं जघन्वां असृजद्वि सिन्धून् ॥ ४.०१८.०७
ममच्चन त्वा युवतिः परास ममच्चन त्वा कुषवा जगार ।
ममच्चिदापः शिशवे ममृद्भुर्मच्चिदिन्द्रः सहसोदतिष्ठत् ॥ ४.०१८.०८
ममच्चन ते मघवन्व्यंसो निविविध्वां अप हनू जघान ।
अधा निविद्ध उत्तरो बभूवाञ्छिरो दासस्य सं पिणगवधेन ॥ ४.०१८.०९
गृष्टिः ससूव स्थविरं तवागामनाधृष्यं वृषभं तुम्रमिन्द्रम् ।
अरीळ्हं वत्सं चरथाय माता स्वयं गातुं तन्व इच्छमानम् ॥ ४.०१८.१०
उत माता महिषमन्वधेनदमी त्वा जहति पुत्र देवाः ।
अथाब्रवीद्वृत्रमिन्द्रो हनिष्यन्सखे विष्णो वित्तरं वि क्रमस्व ॥ ४.०१८.११
कस्ते मातरं विधवामचक्रच्छयुं कस्त्वामजिघांसच्चरन्तम् ।
कस्ते देवो अधि मारुतिक आसीद्यत्प्राक्षिणाः पितरं पादगृह्य ॥ ४.०१८.१२
अवत्यां शुन आन्त्राणि पेचे न देवेषु विविदे मर्डितारम् ।
अपश्यं जायाममहीयमानामधा मे श्येनो मध्वा जभार ॥ ४.०१८.१३

एवा त्वामिन्द्र वज्रिन्नत्र विश्वे देवासः सुहवास ऊमाः ।
महामुभे रोदसी वृद्धमुष्वं निरेकमिदृणते वृत्रहत्ये ॥ ४.०१९.०१
अवासृजन्त जित्रयो न देवा भुवः सम्राळिन्द्र सत्ययोनिः ।
अहन्नहिं परिशयानमर्णः प्र वर्तनीररदो विश्वधेनाः ॥ ४.०१९.०२
अतृष्णुवन्तं वियतमबुध्यमबुध्यमानं सुषुपाणमिन्द्र ।
सप्त प्रति प्रवत आशयानमहि वज्रेण वि रिणा अपर्वन् ॥ ४.०१९.०३
अक्षोदयच्छवसा क्षाम बुधं वार्षं वातस्तविषीभिरिन्द्रः ।

दृळ्हान्यौभनादुशमान् ओजोऽवाभिनत्कुभः पर्वतानाम् ॥ ४.०१९.०४
 अभि प्र दद्रुर्जनयो न गर्भ रथा इव प्र ययुः साकमद्रयः ।
 अतर्पयो विसृत उब्ज उर्मीन्त्वं वृताँ अरिणा इन्द्र सिन्धून् ॥ ४.०१९.०५
 त्वं महीमवनिं विश्वधेनां तुर्वीतये वय्याय क्षरन्तीम् ।
 अरमयो नमसैजदर्णः सुतरणाँ अकृणोरिन्द्र सिन्धून् ॥ ४.०१९.०६
 प्रागुवो नभन्वोऽे न वक्वा ध्वस्रा अपिन्वद्युवतीऋतज्ञाः ।
 धन्वान्यज्राँ अपृणक्तृषाणाँ अधोगिन्द्र स्तर्योऽे दंसुपत्नीः ॥ ४.०१९.०७
 पूर्वीरुषसः शरदश्च गूर्ता वृत्रं जघन्वाँ असृजद्वि सिन्धून् ।
 परिष्ठिता अतृणद्वद्धानाः सीरा इन्द्रः स्रवितवे पृथिव्या ॥ ४.०१९.०८
 वप्रीभिः पुत्रमगुवो अदानं निवेशनाद्धरिव आ जभर्थ ।
 व्यरुन्धो अख्यदहिमाददानो निर्भूदुखच्छित्समरन्त पर्व ॥ ४.०१९.०९
 प्र ते पूर्वाणि करणानि विप्राविद्वाँ आह विदुषे करांसि ।
 यथायथा वृष्ण्यानि स्वगूर्तापांसि राजन्नर्याविविषीः ॥ ४.०१९.१०
 नू द्युत इन्द्र नू गृणान इष जरित्रे नद्योऽे न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०१९.११

आ न इन्द्रो दूरादा न आसादभिष्टिकृदवसे यासदुग्रः ।
 ओजिष्टेभिर्नुपतिर्वज्रबाहुः संगे समत्सु तुर्वणिः पृतन्यून ॥ ४.०२०.०१
 आ न इन्द्रो हरिभिर्यात्वच्छावाँचीनोऽवसे राधसे च ।
 तिष्ठाति वज्री मघवा विरष्णीमं यज्ञमनु नो वाजसातौ ॥ ४.०२०.०२
 इमं यज्ञं त्वमस्माकमिन्द्र पुरो दधत्सनिष्यसि क्रतु नः ।
 श्वघ्नीव वज्रिन्सनये धनानां त्वया वयमर्य आजिं जयेम ॥ ४.०२०.०३
 उशन्नु षु णः सुमना उपाके सोमस्य नु सुषुतस्य स्वधावः ।
 पा इन्द्र प्रतिभृतस्य मध्वः समन्धसा ममदः पृष्येन ॥ ४.०२०.०४
 वि यो ररप्श ऋषिभिर्नवेभिर्वृक्षो न पक्वः सृण्यो न जेता ।
 मर्यो न योषामभि मन्यमानोऽच्छा विवकिम पुरुहूतमिन्द्रम् ॥ ४.०२०.०५
 गिरिर्न यः स्वतवाँ ऋष्व इन्द्रः सनादेव सहसि जात उग्रः ।
 आदता वज्रं स्थविरं न भीम उद्नेव कोशं वसुना न्यूष्टम् ॥ ४.०२०.०६
 न यस्य वर्ता जनुषा न्वस्ति न राधस आमरीता मघस्य ।
 उद्वावृषाणस्तविषीव उग्रास्मभ्य दद्वि पुरुहूत रायः ॥ ४.०२०.०७
 ईक्षे रायः क्षयस्य चर्षणीनामुत ब्रजमपवर्तासि गोनाम् ।
 शिक्षानरः समिथेषु प्रहावान्वस्वो राशिमभिनेतासि भूरिम् ॥ ४.०२०.०८
 कया तच्छृण्वे शच्या शचिष्ठो यया कृणोति मुहु का चिदृष्वः ।
 पुरु दाशुषे विचयिष्ठो अंहोऽथा दधाति द्रविणं जरित्रे ॥ ४.०२०.०९
 मा नो मधीरा भरा दद्वि तन्नः प्र दाशुषे दातवे भूरि यत्ते ।
 नव्ये देष्णे शस्ते अस्मिन्त उक्थे प्र ब्रवाम वयमिन्द्र स्तुवन्तः ॥ ४.०२०.१०

नू ष्टुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०२०.११

आ यात्विन्द्रोऽवस उप न इह स्तुतः सधमादस्तु शूरः ।
 वावृधानस्तविषीर्यस्य पूर्वीद्यौर्न क्षत्रमभिभूति पुष्यात् ॥ ४.०२१.०१
 तस्येदिह स्तवथ वृष्ण्यानि तुविद्युम्नस्य तुविराधसो नृन् ।
 यस्य क्रतुर्विदथ्योऽं न सम्राट् साह्वान्तरुत्रो अभ्यस्ति कृष्टीः ॥ ४.०२१.०२
 आ यात्विन्द्रो दिव आ पृथिव्या मक्ष समुद्राद्गत वा पुरीषात् ।
 स्वर्णरादवसे नो मरुत्वान्परावतो वा सदानाद्गतस्य ॥ ४.०२१.०३
 स्थूरस्य रायो बृहतो य ईशे तमुष्टवाम विदथेष्विन्द्रम् ।
 यो वायुना जयति गोमतीषु प्र धृष्ण्या नयति वस्यो अच्छ ॥ ४.०२१.०४
 उप यो नमो नमसि स्तभायन्निर्यति वाचं जनयन्यजध्वै ।
 ऋञ्जसानः पुरुवार उक्थैरेन्द्रं कृण्वीत सदानेषु होता ॥ ४.०२१.०५
 धिषा यदि धिषण्यन्तः सरण्यान्सदान्तो अद्रिमौशिजस्य गोहे ।
 आ दुरोषाः पास्त्यस्य होता यो नो महान्संवरणेषु वह्निः ॥ ४.०२१.०६
 सत्रा यदी भावैरस्य वृष्णः सिषक्ति शुष्मं स्तुवते भराय ।
 गुहा यदीमौशिजस्य गोहे प्र यद्धिये प्रायसे मदाय ॥ ४.०२१.०७
 वि यद्वरांसि पर्वतस्य वृषे पयोभिर्जिन्वे अपां जवांसि ।
 विदद्गौरस्य गव्यस्य गोहे यदी वाजाय सुध्योऽं वहन्ति ॥ ४.०२१.०८
 भद्रा ते हस्ता सुकृतोत पाणी प्रयन्तारा स्तुवते राध इन्द्र ।
 का ते निषत्तिः किमु नो ममत्सि किं नोदुदु हर्षसे दातवा उ ॥ ४.०२१.०९
 एवा वस्व इन्द्रः सत्यः सम्राड्ढन्ता वृत्रं वरिवः पूरवे कः ।
 पुरुष्टुत क्रत्वा नः शग्धि रायो भक्षीय तेऽवसो दैव्यस्य ॥ ४.०२१.१०
 नू ष्टुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०२१.११

यन्न इन्द्रो जुजुषे यच्च वष्टि तन्नो महान्करति शुष्या चित् ।
 ब्रह्म स्तोमं मघवा सोममुक्था यो अशमानं शवसा बिभ्रदेति ॥ ४.०२२.०१
 वृषा वृषन्धिं चतुरश्रिमस्यन्नुग्रो बाहुभ्यां नृतमः शचीवान् ।
 श्रिये परुष्णीमुषमाण ऊर्णा यस्याः पर्वाणि सख्याय विव्ये ॥ ४.०२२.०२
 यो देवो देवतमो जायमानो महो वाजेभिर्महद्भिश्च शुष्मैः ।
 दधानो वज्रं बाह्वोरुशन्तं द्याममेन रेजयत्प्र भूम ॥ ४.०२२.०३
 विश्वा रोधांसि प्रवतश्च पूर्वीद्यौर्ऋष्वाज्जनिमन्नेजत् क्षाः ।
 आ मातरा भरति शुष्या गोनृवत्परिज्मन्नोनुवन्त वाताः ॥ ४.०२२.०४
 ता तू तं इन्द्र महतो महानि विश्वेष्वित्सवनेषु प्रवाच्या ।
 यच्छर धृष्णो धृषता दधृष्वानहि वज्रेण शवसाविविषीः ॥ ४.०२२.०५

ता तू ते सत्या तुविनृम्ण विश्वा प्र धेनवः सिस्रते वृष्ण ऊध्रः ।
 अधा ह त्वद्वृषमणो भियानाः प्र सिन्धवो जवसा चक्रमन्त ॥ ४.०२२.०६
 अत्राह ते हरिवस्ता उ देवीरवोभिरिन्द्र स्तवन्त स्वसारः ।
 यत्सीमनु प्र मुचो बद्धधाना दीर्घामनु प्रसितिं स्यन्दयध्वै ॥ ४.०२२.०७
 पिपीळे अंशुर्मद्यो न सिन्धुरा त्वा शमी शशमानस्य शक्तिः ।
 अस्मद्रयक्छुशुचानस्य यम्या आशुर्न रश्मिं तुव्योजसं गोः ॥ ४.०२२.०८
 अस्मे वर्षिष्ठा कृणुहि ज्येष्ठा नृम्णानि सत्रा सहुरे सहांसि ।
 अस्मभ्यं वृत्रा सुहनानि रन्धि जहि वधर्वनुषो मर्त्यस्य ॥ ४.०२२.०९
 अस्माकमित्सु शृणुहि त्वमिन्द्रास्मभ्यं चित्रां उप माहि वाजान् ।
 अस्मभ्यं विश्वा इषणः पुरधीरस्माकं सु मघवन्बोधि गोदाः ॥ ४.०२२.१०
 नू ष्टुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०२२.११

कथा महामवृधत्कस्य होतुर्यज्ञं जुषाणो अभि सोममूधः ।
 पिबन्नुशानो जुषमाणो अन्धो ववक्ष ऋष्वः शुचते धनाय ॥ ४.०२३.०१
 को अस्य वीरः सधमादमाप समानंश सुमतिभिः को अस्य ।
 कदस्य चित्रं चिकित्ते कदूती वृधे भुवच्छशमानस्य यज्योः ॥ ४.०२३.०२
 कथा शृणोति ह्यमानमिन्द्रः कथा शृण्वन्नवसामस्य वेद ।
 का अस्य पूर्वीरुपमातयो ह कथैनमाहुः पपुरिं जरित्रे ॥ ४.०२३.०३
 कथा सबाधः शशमानो अस्य नशदभि द्रविणं दीध्यानः ।
 देवो भुवन्नवेदा म ऋतानां नमो जगुभ्वां अभि यज्जुजोषत् ॥ ४.०२३.०४
 कथा कदस्या उषसो व्युष्टौ देवो मर्तस्य सख्यं जुजोष ।
 कथा कदस्य सख्यं सखिभ्यो ये अस्मिन्कामं सुयुजं ततसे ॥ ४.०२३.०५
 किमादमत्रं सख्यं सखिभ्यः कदा नु ते भ्रात्रं प्र ब्रवाम ।
 श्रिये सुदृशो वपुरस्य सर्गाः स्वर्णं चित्रतममिष आ गोः ॥ ४.०२३.०६
 दूहं जिघांसिन्ध्वरसमनिन्द्रां तेतिक्ते तिग्मा तुजसे अनीका ।
 ऋणा चिद्यत्र ऋणया न उग्रो दूरे अज्ञाता उषसो बबाधे ॥ ४.०२३.०७
 ऋतस्य हि शुरुधः सन्ति पूर्वीर्ऋतस्य धीतिर्वीजनानि हन्ति ।
 ऋतस्य श्लोको बधिरा ततद कर्णा बुधानः शुचमान आयोः ॥ ४.०२३.०८
 ऋतस्य दूळ्हा धरुणानि सन्ति पुरुणि चन्द्रा वपुषि वपूषि ।
 ऋतेन दीर्घमिषणन्त पृक्षं ऋतेन गाव ऋतमा विवेषुः ॥ ४.०२३.०९
 ऋतं येमान ऋतमिद्वनोत्युतस्य शुष्मस्तुरया उ गव्युः ।
 ऋताय पृथ्वी बहुले गभीरे ऋताय धेनू परमे दुहाते ॥ ४.०२३.१०
 नू ष्टुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०२३.११

का सुष्टुतिः शवसः सूनूमिन्द्रमर्वाचीनं राधस आ वर्तत ।
 ददिहि वीरो गृणते वसूनि स गोपतिर्निष्पधा नो जनासः ॥ ४.०२४.०१
 स वृत्रहत्ये हव्यः स ईड्यः स सुष्टुत इन्द्रः सत्यराधाः ।
 स यामन्ना मधवा मर्त्याय ब्रह्मण्यते सुष्वये वरिवो धात् ॥ ४.०२४.०२
 तमिन्नरो वि ह्वयन्ते समीके रिरिक्वासस्तन्वः कृण्वत त्राम् ।
 मिथो यत्यागमुभयासो अगन्नरस्तोकस्य तनयस्य सातौ ॥ ४.०२४.०३
 क्रतूयन्ति क्षितयो योग उग्राशुषाणासो मिथो अर्णसातौ ।
 सं यद्विशोऽवृत्रन्त युध्मा आदिन्नेम इन्द्रयन्ते अभीके ॥ ४.०२४.०४
 आदिद्ध नेम इन्द्रियं यजन्त आदित्पक्तिः पुरोळाशं रिरिच्यात् ।
 आदित्सोमो वि पृच्यादसुष्वीनादिज्जुजोष वृषभं यजध्वै ॥ ४.०२४.०५
 कृणोत्यस्मै वरिवो य इत्थेन्द्राय सोममुशते सुनोति ।
 सन्नीचीनेन मनसाविवेनन्तमित्सखायं कृणुते समत्सु ॥ ४.०२४.०६
 य इन्द्राय सुनवत्सोममद्य पचात्पक्तीस्त भृज्जाति धानाः ।
 प्रति मनायो रुचथानि हर्यन्तस्मिन्दधदृषणं शुष्मिन्द्रः ॥ ४.०२४.०७
 यदा समर्यं व्यचेदृघावा दीर्घं यदाजिमभ्यख्यदर्यः ।
 अचिक्रददृषणं पत्न्यच्छा दुरोण आ निशितं सोमसुद्धिः ॥ ४.०२४.०८
 भूयसा वस्नमचरत्कनीयोऽविक्रीतो अकानिषं पुनर्यन् ।
 स भूयसा कनीयो नारिरचीदीना दक्षा वि दुहन्ति प्र वाणम् ॥ ४.०२४.०९
 क इमं दशभिर्ममेन्द्रं क्रीणाति धेनुभिः ।
 यदा वृत्राणि जङ्घनदथैनं मे पुनर्ददत् ॥ ४.०२४.१०
 नू ष्टुत इन्द्र नू गृणान इषं जरित्रे नद्योऽं न पीपिः ।
 अकारि ते हरिवो ब्रह्म नव्यं धिया स्याम रथ्यः सदासाः ॥ ४.०२४.११

को अद्य नयो देवकाम उशन्निन्द्रस्य सख्यं जुजोष ।
 को वा महेऽवसे पायाय समिद्ध अग्नौ सुतसोम ईद्वे ॥ ४.०२५.०१
 को नानाम वचसा सोम्याय मनायुवा भवति वस्त उत्राः ।
 क इन्द्रस्य युज्यं कः सखित्वं को भ्रात्रं वष्टि क्वये क ऊती ॥ ४.०२५.०२
 को देवानामवो अद्या वृणीते क आदित्या अदितिं ज्योतिरीद्वे ।
 कस्याश्चिनाविन्द्रो अग्निः सुतस्यांशोः पिबन्ति मनसाविवेनम् ॥ ४.०२५.०३
 तस्मा अग्निभारतः शर्म यंसज्ज्योक्पश्यात्सूर्यमुच्चरन्तम् ।
 य इन्द्राय सुनवामेत्याह नरे नयाय नृतमाय नृणाम् ॥ ४.०२५.०४
 न तं जिनन्ति बहवो न दभ्रा उवस्मा अदितिः शर्म यंसत् ।
 प्रियः सुकृत्प्रिय इन्द्रे मनायुः प्रियः सुप्रावीः प्रियो अस्य सोमी ॥ ४.०२५.०५
 सुप्राव्यः प्राशुषाळेष वीरः सुष्वेः पक्तिं कृणुते केवलेन्द्रः ।
 नासुष्वेरापिर्न सखा न जामिदुष्प्राव्योऽवहन्तेदवाचः ॥ ४.०२५.०६
 न रेवता पणिना सख्यमिन्द्रोऽसुन्वता सुतपाः सं गृणीते ।

आस्य वेदः खिदति हन्ति नग्नं वि सुष्वये पक्तये केवलो भूत् ॥ ४.०२५.०७
 इन्द्रं परेऽवरे मध्यमास इन्द्रं यान्तोऽवसितास इन्द्रम् ।
 इन्द्रं क्षियन्त उत युध्यमाना इन्द्रं नरो वाजयन्तो हवन्ते ॥ ४.०२५.०८

अहं मनुरभवं सूर्यश्चाहं कक्षीवां ऋषिरस्मि विप्रः ।
 अहं कुत्समार्जुनेयं न्यूञ्जेऽहं क्विरुशना पश्यता मा ॥ ४.०२६.०१
 अहं भूमिमददामाययाहं वृष्टिं दाशुषे मत्याय ।
 अहमपो अनयं वावशाना मम देवासो अनु केतमायन् ॥ ४.०२६.०२
 अहं पुरो मन्दसानो व्यैरं नव साकं नवतीः शम्बरस्य ।
 शततमं वेश्यं सर्वताता दिवोदासमतिथिग्वं यदावम् ॥ ४.०२६.०३
 प्र सु ष विभ्यो मरुतो विरस्तु प्र श्येनः श्येनेभ्य आशुपत्वा ।
 अचक्रया यत्स्वधया सुपर्णो हृव्यं भरन्मनवे देवजुष्टम् ॥ ४.०२६.०४
 भरद्यदि विरतो वेविजानः पथोरुणा मनोजवा असर्जि ।
 तूयं ययौ मधुना सोम्येनोत श्रवो विविदे श्येनो अत्र ॥ ४.०२६.०५
 ऋजीपी श्येनो ददमानो अंशुं परावतः शकुनो मन्द्रं मदम् ।
 सोमं भरद्वादृहाणो देवावान्दिवो अमुष्मादुत्तरादादाय ॥ ४.०२६.०६
 आदाय श्येनो अभरत्सोमं सहस्रं सवां अयुतं च साकम् ।
 अत्रा पुरंधिरजहादरातीमदे सोमस्य मूरा अमूरः ॥ ४.०२६.०७

गर्भे नु सन्नन्वेषामवेदमहं देवानां जनिमानि विश्वा ।
 शतं मा पुर आयसीररक्षन्नधं श्येनो जवसा निरदीयम् ॥ ४.०२७.०१
 न घा स मामप जोषं जभाराभीमास त्वक्षसा वीर्येण ।
 ईर्मा पुरंधिरजहादरातीस्त वातां अतरच्छुशुवानः ॥ ४.०२७.०२
 अव यच्छेनो अस्वनीदध द्योर्वि यद्यदि वात ऊहुः पुरंधिम् ।
 सृजद्यदस्मा अव ह क्षिपज्यां कृशानुरस्ता मनसा भुरणयन् ॥ ४.०२७.०३
 ऋजिप्य ईमिन्द्रावतो न भुज्युं श्येनो जभार बृहतो अधि ष्णोः ।
 अन्तः पतत्पतत्र्यस्य पर्णमध यामनि प्रसितस्य तद्वः ॥ ४.०२७.०४
 अधं श्वेतं क्लशं गोभिरक्तमापिप्यानं मघवा शुक्रमन्धः ।
 अध्वर्युभिः प्रयतं मध्वो अग्रमिन्द्रो मदाय प्रति धत्पिबध्वै शूरो मदाय प्रति धत्पिबध्वै ॥ ४.०२७.०५

त्वा युजा तव तत्सोम सख्य इन्द्रो अपो मनवे सस्रुतस्कः ।
 अहन्नहिमरिणात्सप्त सिन्धूनपावृणोदपिहितेव खानि ॥ ४.०२८.०१
 त्वा युजा नि खिदत्सूर्यस्येन्द्रश्चक्रं सहसा सद्य इन्दो ।
 अधि ष्णुना बृहता वर्तमानं महो द्रुहो अप विश्वायु धायि ॥ ४.०२८.०२
 अहन्नन्द्रो अदहदग्निरिन्दो पुरा दस्यूनमध्यंदिनादभीके ।
 दुर्गे दुरोणे क्रत्वा न यातां पुरू सहस्रा शर्वा नि बर्हीत् ॥ ४.०२८.०३

विश्वस्मात्सीमधमाँ इन्द्र दस्युन्विशो दासीरकृणोरप्रशस्ताः ।
 अबाधेथाममृणतं नि शत्रूनविन्देथामपचिति वधत्रैः ॥ ४.०२८.०४
 एवा सत्यं मघवाना युवं तदिन्द्रश्च सोमोर्वमश्व्यं गोः ।
 आदद्वैतमपिहितान्यश्ना रिरिचथुः क्षाश्चित्तृदाना ॥ ४.०२८.०५

आ न स्तुत उप वाजेभिरुती इन्द्र याहि हरिभिर्मन्दसानः ।
 तिरश्चिदर्यः सर्वना पुरूण्याङ्गुषेभिर्गृणानः सत्यराधाः ॥ ४.०२९.०१
 आ हि ष्मा याति नर्यंश्चिक्त्वान्हूयमानः सोतृभिरुप यज्ञम् ।
 स्वश्वो यो अभीरुर्मन्यमानः सुष्वाणेभिर्मदति सं ह वीरैः ॥ ४.०२९.०२
 श्रावयेदस्य कर्णा वाजयध्यै जुष्टामनु प्र दिशं मन्दयध्यै ।
 उद्धवृषणो राधसे तुविष्मान्करन्न इन्द्रः सुतीर्थाभयं च ॥ ४.०२९.०३
 अच्छा यो गन्ता नाधमानमूती इत्था विप्रं हवमानं गृणन्तम् ।
 उप त्मनि दधानो धुर्याङ्गुणसहस्राणि शतानि वज्रबाहुः ॥ ४.०२९.०४
 त्वोतासो मघवन्निन्द्र विप्रा वयं ते स्याम सूरयो गृणन्तः ।
 भेजानासो बृहद्विवस्य राय आकाप्यस्य दावने पुरूक्षोः ॥ ४.०२९.०५

नकिरिन्द्र त्वदुत्तरो न ज्यायाँ अस्ति वृत्रहन् ।
 नकिरेवा यथा त्वम् ॥ ४.०३०.०१
 सत्रा ते अनु कृष्टयो विश्वा चक्रेव वावृतुः ।
 सत्रा महौ असि श्रुतः ॥ ४.०३०.०२
 विश्वे चनेदना त्वा देवास इन्द्र युयुधुः ।
 यदहा नक्तमातिरः ॥ ४.०३०.०३
 यत्रोत बाधितेभ्यश्चक्रं कुत्साय युध्यते ।
 मुषाय इन्द्र सूर्यम् ॥ ४.०३०.०४
 यत्र देवा ऋघायतो विश्वा अयुध्य एक इत् ।
 त्वमिन्द्र वनूरहन् ॥ ४.०३०.०५
 यत्रोत मत्याय कमरिणा इन्द्र सूर्यम् ।
 प्रावः शचीभिरेतशम् ॥ ४.०३०.०६
 किमाद्गुतासि वृत्रहन्मघवन्मन्युमत्तमः ।
 अत्राह दानुमातिरः ॥ ४.०३०.०७
 एतद्घेदुत वीर्यंमिन्द्र चकर्थ पौंस्यम् ।
 स्त्रियं यद्गृह्णायुवं वधीद्विहितरं दिवः ॥ ४.०३०.०८
 दिवश्चिदघा दुहितरं महान्महीयमानाम् ।
 उषासमिन्द्र सं पिणक् ॥ ४.०३०.०९
 अपोषा अनसः सरत्सम्पिष्टादह बिभ्युषी ।
 नि यत्सी शिश्रनथदृषा ॥ ४.०३०.१०

ए॒तद॑स्या॒ अनः॑ श॒ये सु॑स॒म्पिष्टं॑ वि॒पाश॒या ।
 स॒सार॑ सीं॒ परा॒वतः॑ ॥ ४.०३०.११
 उ॒त सि॒न्धुं वि॒बाल्यं॑ वि॒तस्था॒नामधि॑ क्षमि॒ ।
 परि॑ ष्ठा इन्द्र॒ माय॑या ॥ ४.०३०.१२
 उ॒त शु॒ष्णस्य॑ धृ॒ष्णुया॑ प्र॒ मृक्षो॑ अ॒भि वेद॑नम् ।
 पु॒रो यद॑स्य स॒म्पिणक् ॥ ४.०३०.१३
 उ॒त दा॒सं कौ॑लि॒तरं बृ॒ह्तः प॑र्व॒तादधि॑ ।
 अवा॑ह॒न्निन्द्र॒ शम्ब॑रम् ॥ ४.०३०.१४
 उ॒त दा॒सस्य॑ व॒र्चिनः॑ स॒हस्रा॑णि श॒ताव॑धीः ।
 अधि॑ प॒ञ्च प्र॑धी॒रिव ॥ ४.०३०.१५
 उ॒त त्यं पु॒त्रम॒गुवः॑ परा॒वृक्तं॑ श॒तक्र॑तुः ।
 उ॒क्थेष्वि॒न्द्र आ॑भ॒जत् ॥ ४.०३०.१६
 उ॒त त्या॑ तु॒र्वशाय॑दू॒ अस्ना॑ता॒रा श॒चीप॑तिः ।
 इन्द्रो॑ वि॒द्वान् अ॑पा॒रयत् ॥ ४.०३०.१७
 उ॒त त्या॑ सद्य॒ आया॑ स॒रयो॑रिन्द्र॒ पार॑तः ।
 अ॒र्णाचि॒त्रर॑थावधीः ॥ ४.०३०.१८
 अनु॑ द्वा ज॒हिता॑ न॒योऽन्धं॑ श्रो॒णं च॑ वृ॒त्रह॑न् ।
 न त॑त्ते॒ सु॒म्नम॑ष्टवे ॥ ४.०३०.१९
 श॒तम॑श्म॒न्मयी॑नां पु॒रामि॒न्द्रो व्या॑स्यत् ।
 दि॒वोदा॑साय दा॒शुषे॑ ॥ ४.०३०.२०
 अ॒स्वाप॑यद्भू॒भीतये॑ स॒हस्रा॑ त्रि॒शतं॑ ह॒थैः ।
 दा॒साना॑मिन्द्रो॒ माय॑या ॥ ४.०३०.२१
 स॒ घेदु॑तासि॒ वृत्र॑ह॒न्समा॑न इन्द्र॒ गोप॑तिः ।
 यस्ता॑ वि॒श्वानि॑ चि॒च्युषे॑ ॥ ४.०३०.२२
 उ॒त नूनं॑ यद्वि॒न्द्रयं॑ क॒रिष्या॑ इन्द्र॒ पौ॑स्यम् ।
 अ॒द्या न॑कि॒ष्टदा॑ मि॒नत् ॥ ४.०३०.२३
 वा॒मंवा॑मं॒ त आ॑दु॒रे दे॒वो द॑दा॒त्वय॑मा ।
 वा॒मं पू॒षा वा॑मं॒ भगो॑ वा॒मं दे॒वः क॑रू॒ळती ॥ ४.०३०.२४

क॒या न॑श्चि॒त्र आ॑ भु॒वदु॑ती स॒दावृ॑धः स॒खा ।
 क॒या श॑चि॒ष्टया॑ वृ॒ता ॥ ४.०३१.०१
 क॒स्त्वा स॒त्यो म॑दा॒नां मं॑हि॒ष्ठो म॑त्स॒दन्ध॑सः ।
 दृ॒ळ्हा चि॑दा॒रुजे॑ वसु॒ ॥ ४.०३१.०२
 अ॒भी षु॒ णः॑ स॒खीना॑म॒विता॑ ज॒रितु॑णाम् ।
 श॒तं भ॑वा॒स्युति॑भिः ॥ ४.०३१.०३
 अ॒भी न॒ आ व॑वृ॒त्स्व च॒क्रं न॑ वृ॒त्तम॑र्वतः ।

न॒यु॒द्धि॒श्व॒र्ष॒णी॒नाम् ॥ ४.०३१.०४
 प्र॒व॒ता॒ हि॒ क्र॒तू॒ना॒मा॒ हा॒ प॒दे॒व॒ ग॒च्छ॒सि ।
 अ॒भ॒क्षि॒ सूर्ये॑ स॒चा ॥ ४.०३१.०५
 सं॒ य॒त्त॑ इ॒न्द्र॒ म॒न्य॒वः॑ सं॒ च॒क्रा॒णि॑ द॒ध॒न्वि॒रे ।
 अ॒ध॒ त्वे॑ अ॒ध॒ सूर्ये॑ ॥ ४.०३१.०६
 उ॒त॒ स्मा॒ हि॒ त्वा॒मा॒हु॒रि॒न्म॒घ॒वा॒नं॑ श॒ची॒प॒ते ।
 दा॒ता॒र॒म॒वि॒दी॒ध॒यु॒म् ॥ ४.०३१.०७
 उ॒त॒ स्मा॑ स॒द्य॒ इ॒त्परि॑ श॒श॒मा॒ना॒य॑ सु॒न्व॒ते ।
 पु॒रू॒ चि॒न्मं॑ह॒से॒ वसु॑ ॥ ४.०३१.०८
 न॒हि॒ ष्मा॑ ते॒ श॒तं॒ च॒न॒ रा॒धो॑ व॒र॒न्त॑ आ॒मु॒रः॑ ।
 न॒ च्यौ॒त्नानि॑ क॒रि॒ष्य॒तः ॥ ४.०३१.०९
 अ॒स्मां॑ अ॒व॒न्तु॒ ते॒ श॒त॒म॒स्मान्॑स॒ह॒स्र॒मु॒त॒यः॑ ।
 अ॒स्मान्नि॒श्वा॑ अ॒भिष्ट॑यः ॥ ४.०३१.१०
 अ॒स्मां॑ इ॒हा॒ वृ॒णी॒ष्व॒ स॒ख्या॒य॑ स्व॒स्त॒ये॑ ।
 म॒हो॒ रा॒ये॒ दि॒वि॒त्स॒ते ॥ ४.०३१.११
 अ॒स्मां॑ अ॒वि॒डि॒ढ॒ वि॒श्व॒हे॒न्द्र॑ रा॒या॒ परी॑णसा ।
 अ॒स्मान्नि॒श्वा॑भि॒रु॒ति॒भिः॑ ॥ ४.०३१.१२
 अ॒स्म॒भ्यं॑ तां॒ अपा॑ वृ॒धि॒ व्र॒जां॑ अ॒स्ते॒व॒ गो॒म॒तः॑ ।
 न॒वा॒भि॒रि॒न्द्रो॒ति॒भिः॑ ॥ ४.०३१.१३
 अ॒स्माक॑ धृ॒ष्णु॒या॒ रथो॑ दु॒मां॑ इ॒न्द्रा॒न॒प॒च्यु॒तः॑ ।
 ग॒व्यु॒र॒श्व॒यु॒री॒य॒ते ॥ ४.०३१.१४
 अ॒स्माक॑मु॒त्त॒मं॑ कृ॒धि॒ श्र॒वो॑ दे॒वेषु॑ सूर्य ।
 व॒र्षि॑ष्ठं॒ द्या॒मि॒वो॒परि॑ ॥ ४.०३१.१५

आ॒ तू॒ न॑ इ॒न्द्र॒ वृ॒त्र॒ह॒न्म॒स्माक॑म॒र्ध॒मा॒ ग॒हि॑ ।
 म॒हा॒न्म॒ही॒भि॒रु॒ति॒भिः॑ ॥ ४.०३२.०१
 भृ॒मि॑श्चि॒द॒घा॒सि॒ तू॒तु॒जि॒रा॒ चि॒त्रं॒ चि॒त्रि॒णी॒ष्वा॑ ।
 चि॒त्रं॒ कृ॒णो॑ष्यु॒त॒ये॑ ॥ ४.०३२.०२
 द॒भ्रे॒भि॑श्चि॒च्छ॒शी॒यां॑सं॒ हंसि॑ ब्रा॒ध॒न्त॒मो॒ज॒सा॑ ।
 स॒खि॑भि॒र्ये॒ त्वे॒ स॒चा॑ ॥ ४.०३२.०३
 व॒यमि॑न्द्र॒ त्वे॒ स॒चा॑ व॒यं॒ त्वा॒भि॒ नो॑नु॒मः॑ ।
 अ॒स्मां॑अ॒स्मां॑ इ॒दु॒द॒व॑ ॥ ४.०३२.०४
 स॒ न॑श्चि॒त्रा॒भि॒रि॒न्द्रि॒वो॒ऽन॒व॒द्या॒भि॒रु॒ति॒भिः॑ ।
 अ॒ना॒धृ॒ष्टा॒भि॒रा॒ ग॒हि॑ ॥ ४.०३२.०५
 भू॒या॒मो॒ षु॒ त्वा॒व॒तः॑ स॒खा॒य॒ इ॒न्द्र॒ गो॒म॒तः॑ ।
 यु॒जो॒ वा॒जा॒य॒ घृ॒ष्व॒ये॑ ॥ ४.०३२.०६

त्वं ह्येक ईशिष इन्द्र वाजस्य गोमतः ।
 स नो यन्धि महीमिषम् ॥ ४.०३२.०७
 न त्वा वरन्ते अन्यथा यदित्ससि स्तुतो मघम् ।
 स्तोतृभ्य इन्द्र गिर्वणः ॥ ४.०३२.०८
 अभि त्वा गोतमा गिरानूषत प्र दावने ।
 इन्द्र वाजाय घृष्वये ॥ ४.०३२.०९
 प्र ते वोचाम वीर्यां या मन्दसान आरुजः ।
 पुरो दासीरभीत्य ॥ ४.०३२.१०
 ता ते गृणन्ति वेधसो यानि च्चकथं पौस्या ।
 सुतेष्विन्द्र गिर्वणः ॥ ४.०३२.११
 अवीवृधन्त गोतमा इन्द्र त्वे स्तोमवाहसः ।
 ऐषु धा वीरवद्यशः ॥ ४.०३२.१२
 यच्चिद्धि शश्वतामसीन्द्र साधारणस्त्वम् ।
 तं त्वा वयं हवामहे ॥ ४.०३२.१३
 अर्वाचीनो वसो भवास्मे सु मत्स्वान्धसः ।
 सोमानामिन्द्र सोमपाः ॥ ४.०३२.१४
 अस्माकं त्वा मतीनामा स्तोम इन्द्र यच्छतु ।
 अर्वागा वर्तया हरी ॥ ४.०३२.१५
 पुरोळाशं च नो घसो जोषयासि गिरश्च नः ।
 वधूयुरिव योषणाम् ॥ ४.०३२.१६
 सहस्रं व्यतीनां युक्तानामिन्द्रमीमहे ।
 शतं सोमस्य स्वार्यः ॥ ४.०३२.१७
 सहस्रा ते शता वयं गवामा च्यावियामसि ।
 अस्मन्ना राध एतु ते ॥ ४.०३२.१८
 दश ते कलशानां हिरण्यानामधीमहि ।
 भूरिदा असि वृत्रहन् ॥ ४.०३२.१९
 भूरिदा भूरि देहि नो मा दध्नं भूर्या भर ।
 भूरि घेदिन्द्र दित्ससि ॥ ४.०३२.२०
 भूरिदा ह्यसि श्रुतः पुरुत्रा शूर वृत्रहन् ।
 आ नो भजस्व राधसि ॥ ४.०३२.२१
 प्र ते बभ्रू विचक्षणं शंसामि गोषणो नपात् ।
 माभ्यां गा अनु शिश्रथः ॥ ४.०३२.२२
 कनीनकेव विद्रुधे नवे द्रुपदे अभिके ।
 बभ्रू यामेषु शोभेते ॥ ४.०३२.२३
 अरं म उग्रयाम्णेऽरमनुस्रयाम्णे ।
 बभ्रू यामेष्वस्रिधा ॥ ४.०३२.२४

प्र ऋभुभ्यो दूतमिव वाचमिष्य उपस्तरे श्वैतरी धेनुमीळे ।
 ये वातजूतास्तरणिभिरेवैः परि द्यां सद्यो अपसो बभूवुः ॥ ४.०३३.०१
 यदारमक्रन्नभवः पितृभ्यां परिविष्टी वेषणा दंसनाभिः ।
 आदिद्देवानामुप सख्यमायन्धीरासः पुष्टिमवहन्मनायै ॥ ४.०३३.०२
 पुनर्ये चक्रुः पितरा युवाना सना यूपेव जरणा शयाना ।
 ते वाजो विभ्वाँ ऋभुरिन्द्रवन्तो मधुप्सरसो नोऽवन्तु यज्ञम् ॥ ४.०३३.०३
 यत्संवत्समृभवो गामरक्षन्त्यत्संवत्समृभवो मा अपिशन् ।
 यत्संवत्समभरन्भासो अस्यास्ताभिः शमीभिरमृतत्वमाशुः ॥ ४.०३३.०४
 ज्येष्ठ आह चमसा द्वा करेति कनीयान्त्रीन्कृणवामेत्याह ।
 कनिष्ठ आह चतुरस्करेति त्वष्ट ऋभवस्तत्पनयद्वचो वः ॥ ४.०३३.०५
 सत्यमूर्चुरं एवा हि चक्रुरनु स्वधामृभवो जग्मुरेताम् ।
 विभ्राजमानांश्चमसाँ अहेवावेनत्वष्टाँ चतुरो ददृश्वान् ॥ ४.०३३.०६
 द्वादश दून्यदगोह्यस्यातिथ्ये रणन्नभवः ससन्तः ।
 सुक्षेत्राकृण्वन्नयन्त सिन्धुन्धन्वातिष्ठन्नोषधीर्निम्नमापः ॥ ४.०३३.०७
 रथं ये चक्रुः सुवृतं नरेष्ठां ये धेनुं विश्वजुवं विश्वरूपाम् ।
 त आ तक्षन्त्वृभवो रयिं नः स्ववसः स्वपसः सुहस्ताः ॥ ४.०३३.०८
 अपो ह्येषामजुषन्त देवा अभि क्रत्वा मनसा दीध्यानाः ।
 वाजो देवानामभवत्सुकर्मेन्द्रस्य ऋभुक्षा वरुणस्य विभ्वाँ ॥ ४.०३३.०९
 ये हरी मेधयोक्था मदन्त इन्द्राय चक्रुः सुयुजा ये अश्वः ।
 ते रायस्पोषं द्रविणान्यस्मे धत्त ऋभवः क्षेमयन्तो न मित्रम् ॥ ४.०३३.१०
 इदाहः पीतिमुत वो मदं धुर्न ऋते श्रान्तस्य सख्याय देवाः ।
 ते नूनमस्मे ऋभवो वसूनि तृतीये अस्मिन्सवनि दधात ॥ ४.०३३.११

ऋभुर्विभ्वा वाज इन्द्रो नो अच्छेमं यज्ञं रत्नधेयोप यात ।
 इदा हि वो धिषणा देव्यह्नामधात्पीतिं सं मदा अगमता वः ॥ ४.०३४.०१
 विदानासो जन्मनो वाजरत्ना उत ऋतुभिर्ऋभवो मादयध्वम् ।
 सं वो मदा अगमत सं पुरीधिः सुवीरामस्मे रयिमेरयध्वम् ॥ ४.०३४.०२
 अयं वो यज्ञ ऋभवोऽकारि यमा मनुष्वत्प्रदिवो दधिध्वे ।
 प्र वोऽच्छा जुजुषाणासो अस्थुरभूत विश्वे अग्रियोत वाजाः ॥ ४.०३४.०३
 अभूद्दु वो विधते रत्नधेयमिदा नरो दाशुषे मत्याय ।
 पिबत वाजा ऋभवो ददे वो महि तृतीयं सवनं मदाय ॥ ४.०३४.०४
 आ वाजा यातोप न ऋभुक्षा महो नरो द्रविणसो गृणानाः ।
 आ वः पीतयोऽभिपित्वे अह्नामिमा अस्तं नवस्व इव गमन् ॥ ४.०३४.०५
 आ नपातः शवसो यातनोपेमं यज्ञं नमसा ह्यमानाः ।
 सजोषसः सूरयो यस्य च स्थ मध्वः पात रत्नधा इन्द्रवन्तः ॥ ४.०३४.०६

सजोषा॑ इन्द्र॑ वरुणे॑न सोमं॑ सजोषा॑ः पाहि॑ गिर्वणो॑ मरुद्भिः॑ ।
 अग्ने॑पाभिर्ऋतु॑पाभिः॑ सजोषा॑ ग्नास्पती॑भी रत्न॑धाभिः॑ सजोषा॑ः ॥ ४.०३४.०७
 सजोष॑स आदित्यै॑र्मादियध्वं॑ सजोष॑स ऋभवः॑ पर्व॑तैभिः॑ ।
 सजोष॑सो दैव्ये॑ना सवि॑त्रा सजोष॑सः सिन्धु॑भी रत्न॑धेभिः॑ ॥ ४.०३४.०८
 ये अ॒श्विना॒ ये पि॒तरा॒ य ऊ॒ती धे॒नुं त॑तक्षु॑र्ऋवो॒ ये अ॒श्वः ।
 ये अ॒स॒त्रा य॒ ऋध॑ग्रो॒दसी॒ ये वि॒भ्वो नरः॑ स्व॒पत्यानि॑ च॒क्रुः ॥ ४.०३४.०९
 ये गोम॑न्तं॒ वाज॑वन्तं॒ सुवी॑रं॒ रयि॑ं ध॒त्थ वसु॑मन्तं॒ पु॒क्षुम् ।
 ते अ॒ग्नि॒पा ऋ॑भवो म॒न्दसा॑ना अ॒स्मे ध॑त्त॒ ये च॑ रा॒तिं गु॑णन्ति ॥ ४.०३४.१०
 नापा॑भूत॒ न वोऽ॑ती॒तृषा॑मानिः॒शस्ता॑ ऋभवो॒ यजे॑ अ॒स्मिन् ।
 समि॑न्द्रेण॒ मद॑थ॒ सं म॒रुद्भिः॒ सं राज॑भी रत्न॑धेया॒य दे॒वाः ॥ ४.०३४.११

इ॒होप॑ यात॒ शव॑सो नपातः॒ सौध॑न्वना॒ ऋभवो॑ माप॑ भूत ।
 अ॒स्मिन्हि॑ वः॒ सव॑ने रत्न॑धेयं॒ गम॑न्त्विन्द्र॒मनु॑ वो॒ मदा॑सः ॥ ४.०३५.०१
 आ॒ग॒भृ॒णा॒मि॒ह रत्न॑धेयम॒भूत्सोम॑स्य॒ सुषु॑तस्य पी॒तिः ।
 सु॒कृत्या॒ यत्स्व॑प॒स्यया॑ च॒ एकं॑ वि॒चक्र॑ च॒मसं॑ च॒तुर्धा॑ ॥ ४.०३५.०२
 व्य॑कृणोत॒ चम॑सं च॒तुर्धा॑ स॒खे वि॑ शि॒क्षेत्य॑ब्रवीत ।
 अथै॑त॒ वाजा॑ अ॒मृत॑स्य॒ पन्था॑ं गु॒णं दे॒वाना॑मृभवः॒ सुह॑स्ताः ॥ ४.०३५.०३
 कि॒म्मयः॑ स्वि॒च्चम॑स ए॒ष आ॑स॒ यं का॒व्येन॑ च॒तुरो॑ वि॒चक्र॑ ।
 अथा॑ सु॒नुध्वं॑ स॒र्वनं॑ मदा॒य पा॑त॒ ऋभवो॑ मधु॒नः सो॒म्यस्य॑ ॥ ४.०३५.०४
 श॒च्या॒कर्त॑ पि॒तरा॒ युवा॑ना॒ श॒च्या॒कर्त॑ च॒मसं॑ दे॒वपान॑म् ।
 श॒च्या॒ हरी॑ ध॒नु॒तरा॑वत॒ष्टेन्द्र॑वाहा॒वृभवो॑ वा॒जर॑त्नाः ॥ ४.०३५.०५
 यो वः॑ सु॒नोत्य॑भिपि॒त्वे अ॒ह्नां ती॑त्रं वा॒जासः॑ स॒र्वनं॑ मदा॒य ।
 तस्मै॑ र॒यिमृ॑भवः॒ सर्व॑वी॒रमा॑ तक्षत॒ वृष॑णो म॒न्दसा॑नाः ॥ ४.०३५.०६
 प्रा॒तः सु॑तम॒पिबो॑ ह॒र्यश्च॑ मा॒ध्यदि॑नं स॒र्वनं॑ के॒वलं॑ ते ।
 समु॑भुभिः॒ पिब॑स्व रत्न॑धेभिः॒ सखी॑यां इन्द्र॑ च॒कृषे॑ सु॒कृत्या॑ ॥ ४.०३५.०७
 ये दे॒वासो॑ अ॒भव॑ता सु॒कृत्या॑ श॒येना॑ इ॒वेदधि॑ दि॒वि नि॑षेद ।
 ते रत्नं॑ धा॒त श॑वसो नपातः॒ सौध॑न्वना॒ अ॒भव॑ता॒मृता॑सः ॥ ४.०३५.०८
 यत्तृ॑तीयं स॒र्वनं॑ रत्न॑धेयम॒कृणु॑ध्वं स्व॒पस्या॑ सु॒हस्ताः॑ ।
 तद्मृ॑भवः॒ परि॑षिक्तं॒ व ए॒तत्सं॑ मदे॒भिरि॑न्द्रि॒येभिः॑ पिब॒ध्वम् ॥ ४.०३५.०९

अ॒न॒श्वो जा॑तो अ॒न॒भीशु॑स्व॒थ्योऽ॑ रथ॑स्त्रि॒चक्रः॑ परि॑ वर्त॑ते रजः॑ ।
 म॒हत्त॑द्वो॒ देव्य॑स्य॒ प्रवा॑चनं॒ द्यामृ॑भवः॒ पृथि॑वीं यच्च॒ पुष्य॑थ ॥ ४.०३६.०१
 रथं॑ ये च॒क्रुः सु॑वृ॒तं सु॑चे॒तसोऽ॑वि॒ह्वर॑न्तं॒ मन॑स॒स्परि॑ ध्यया॑ ।
 तां ऊ॒न्व॑स्य॒ स॒र्वन॑स्य पी॒तय॑ आ वो॑ वा॒जा ऋ॑भवो वेद॒याम॑सि ॥ ४.०३६.०२
 तद्वो॑ वा॒जा ऋ॑भवः॒ सुप्र॑वा॒चनं॑ दे॒वेषु॑ वि॒भ्वो अ॒भव॑न्महि॒त्वन्म॑ ।
 जि॒व्री य॑त्सन्ता॒ पि॒तरा॑ स॒नाजु॑रा॒ पुन॑र्यु॒वाना॑ च॒रथा॑य॒ तक्ष॑थ ॥ ४.०३६.०३

एकं वि चक्र चमसं चतुर्वयं निश्चर्मणो गामरिणीत धीतिभिः ।
 अथा देवेष्वमृतत्वमानश श्रुष्टी वाजा ऋभवस्तद्व उक्थ्यम् ॥ ४.०३६.०४
 ऋभुतो रयिः प्रथमश्रवस्तमो वाजश्रुतासो यमजीजनन्नरः ।
 विभ्वतष्टो विदथेषु प्रवाच्यो यं देवासोऽवथा स विचर्षणिः ॥ ४.०३६.०५
 स वाज्यर्वा स ऋषिर्वचस्यया स शूरो अस्ता पृतनासु दुष्टरः ।
 स रायस्पोषं स सुवीर्यं दधे यं वाजो विभ्वाँ ऋभवो यमाविषुः ॥ ४.०३६.०६
 श्रेष्ठं वः पेशो अधि धायि दर्शतं स्तोमो वाजा ऋभवस्तं जुजुष्टन ।
 धीरासो हि ष्ठा क्वयो विपश्चित्तस्तान्व एना ब्रह्मणा वेदयामसि ॥ ४.०३६.०७
 यूयमस्मभ्यं धिषणाभ्यस्परि विद्वांसो विश्वा नर्याणि भोजना ।
 द्युमन्तं वाजं वृषशुष्ममुत्तममा नो रयिमृभवस्तक्षता वयः ॥ ४.०३६.०८
 इह प्रजामिह रयिं रराणा इह श्रवो वीरवत्तक्षता नः ।
 येन व्यं चितयेमात्यन्यान्तं वाजं चित्रमृभवो ददा नः ॥ ४.०३६.०९

उप नो वाजा अध्वरमृभुक्षा देवा यात पथिभिर्दिवयानैः ।
 यथा यज्ञं मनुषो विक्ष्वाऽसु दधिध्वे रणवाः सुदिनेष्वह्नाम् ॥ ४.०३७.०१
 ते वो हृदे मनसे सन्तु यज्ञा जुष्टासो अद्य घृतनिर्णिजो गुः ।
 प्र वः सुतासो हरयन्त पूर्णाः ऋत्वे दक्षाय हर्षयन्त पीताः ॥ ४.०३७.०२
 त्र्युदायं देवहितं यथा व स्तोमो वाजा ऋभुक्षणो ददे वः ।
 जुह्वे मनुष्वदुपरासु विक्षु युष्मे सचा बृहद्विषु सोमम् ॥ ४.०३७.०३
 पीवोअश्वाः शुचद्रथा हि भूतायः शिप्रा वाजिनः सुनिष्काः ।
 इन्द्रस्य सूनो शवसो नपातोऽनु वञ्चेत्यग्रियं मदाय ॥ ४.०३७.०४
 ऋभुमृभुक्षणो रयिं वाजे वाजिन्तमं युजम् ।
 इन्द्रस्वन्तं हवामहे सदासातममश्चिनम् ॥ ४.०३७.०५
 सेदृभवो यमवथ यूयमिन्द्रश्च मर्त्यम् ।
 स धीभिरस्तु सनिता मेधसाता सो अवता ॥ ४.०३७.०६
 वि नो वाजा ऋभुक्षणः पथश्चितन यष्टवै ।
 अस्मभ्यं सूरय स्तुता विश्वा आशास्तरिषणि ॥ ४.०३७.०७
 तं नो वाजा ऋभुक्षण इन्द्र नासत्या रयिम् ।
 समश्च चर्षणिभ्य आ पुरु शस्त मघत्तये ॥ ४.०३७.०८

उतो हि वां दात्रा सन्ति पूर्वा या पुरुभ्यस्त्रसदस्युर्नितोशे ।
 क्षेत्रासां ददथुरुर्वरासां घनं दस्युभ्यो अभिभूतिमुग्रम् ॥ ४.०३८.०१
 उत वाजिनं पुरुनिष्पिध्वानं दधिक्रामु ददथुर्विष्वकृष्टिम् ।
 ऋजिप्यं श्येनं प्रुषितप्सुमाशुं चर्कृत्यमर्यो नृपतिं न शूरम् ॥ ४.०३८.०२
 यं सीमनु प्रवतेव द्रवन्तं विश्वः पूरुर्मदति हर्षमाणः ।
 पडिभर्गृध्यन्तं मेधयुं न शूरं रथतुरं वातमिव भ्रजन्तम् ॥ ४.०३८.०३

यः स्मारुन्धानो गध्या समत्सु सनुतरश्चरति गोषु गच्छन् ।
 आविर्ऋजीको विदथा निचिक्यत्तिरो अरतिं पर्याप आयोः ॥ ४.०३८.०४
 उत स्मैनं वस्त्रमथिं न तायुमनु क्रोशन्ति क्षितयो भरेषु ।
 नीचायमानं जसुरिं न श्येनं श्रवश्चाच्छा पशुमच्च यूथम् ॥ ४.०३८.०५
 उत स्मासु प्रथमः सरिष्यन्नि वेवेति श्रेणिभी रथानाम् ।
 स्रजं कृण्वानो जन्यो न शुभ्वा रेणुं रेरिहत्किरणं ददश्चान् ॥ ४.०३८.०६
 उत स्य वाजी सहुरिर्ऋतावा शुश्रूषमाणस्तन्वा समर्ये ।
 तुरं यतीषु तुरयन्नृजिप्योऽधि भ्रुवोः किरते रेणुमुञ्जन् ॥ ४.०३८.०७
 उत स्मास्य तन्यतोरिव द्योर्ऋघायतो अभियुजो भयन्ते ।
 यदा सहस्रमभि षीमयोधीर्द्वर्तुः स्मा भवति भीम ऋञ्जन् ॥ ४.०३८.०८
 उत स्मास्य पनयन्ति जना जूतिं कृष्टिप्रो अभिभूतिमाशोः ।
 ज्जैनमाहुः समिथे वियन्तः परा दधिक्रा असरत्सहस्रैः ॥ ४.०३८.०९
 आ दधिक्राः शवसा पञ्च कृष्टीः सूर्य इव ज्योतिषापस्ततान् ।
 सहस्रसाः शतसा वाज्यवा पृणक्तु मध्वा समिमा वचांसि ॥ ४.०३८.१०

आशुं दधिक्रां तमु नु ष्टवाम दिवस्पृथिव्या उत चर्किराम ।
 उच्छन्तीर्मांमुषसः सूदयन्त्वति विश्वानि दुरितानि पर्षन् ॥ ४.०३९.०१
 महश्चर्कर्म्यर्वतः क्रतुप्रा दधिक्राव्यः पुरुवारस्य वृष्णः ।
 यं पुरुभ्यो दीद्विवांसं नागिनं ददथुर्मित्रावरुणा ततुरिम् ॥ ४.०३९.०२
 यो अश्वस्य दधिक्राव्यो अकारित्समिद्ध अगना उषसो व्युष्टौ ।
 अनागसं तमदितिः कृणोतु स मित्रेण वरुणेना सजोषाः ॥ ४.०३९.०३
 दधिक्राव्य इष ऊर्जो महो यदमन्महि मरुतां नाम भद्रम् ।
 स्वस्तये वरुणं मित्रमगिनं हवामह इन्द्रं वज्रबाहुम् ॥ ४.०३९.०४
 इन्द्रमिवेदुभये वि ह्वयन्त उदीराणा यज्ञमुपप्रयन्तः ।
 दधिक्रामु सूदनं मत्याय ददथुर्मित्रावरुणा नो अश्वम् ॥ ४.०३९.०५
 दधिक्राव्यो अकारिषं जिष्णोरश्वस्य वाजिनः ।
 सुरभि नो मुखा करत्प्र ण आयूषि तारिषत् ॥ ४.०३९.०६

दधिक्राव्य इदु नु चर्किराम विश्वा इन्मामुषसः सूदयन्तु ।
 अपामग्नेरुषसः सूर्यस्य बृहस्पतेराङ्गिरसस्य जिष्णोः ॥ ४.०४०.०१
 सत्वा भरिषो गविषो दुवन्यसच्छ्वस्यादिष उषसस्तुरण्यसत् ।
 सत्यो द्रवो द्रवरः पतंगरो दधिक्रावेषमूर्जं स्वर्जनत् ॥ ४.०४०.०२
 उत स्मास्य द्रवतस्तुरण्यतः पर्णं न वेरनु वाति प्रगर्धिनः ।
 श्येनस्येव ध्रजतो अङ्गसं परि दधिक्राव्यः सहोर्जा तरित्रतः ॥ ४.०४०.०३
 उत स्य वाजी क्षिपिणं तुरण्यति ग्रीवायां बद्धो अपिकक्ष आसनि ।
 क्रतुं दधिक्रा अनु संतवीत्वत्पथामङ्गांस्यन्वापनीफणत् ॥ ४.०४०.०४

हंसः शुचिषद्वसुरन्तरिक्षसद्भोता वेदिषदतिथिर्दुरोणसत् ।
नृषद्वरसदृतसद्भोमसदब्जा गोजा ऋतजा अद्रिजा ऋतम् ॥ ४.०४०.०५

इन्द्रा को वां वरुणा सुम्नमापु स्तोमो हविष्मां अमृतो न होता ।
यो वां हृदि क्रतुमां अस्मदुक्तः पस्पशीदिन्द्रावरुणा नमस्वान् ॥ ४.०४१.०१
इन्द्रा हृ यो वरुणा चक्र आपी देवो मर्तः सख्याय प्रयस्वान् ।
स हन्ति वृत्रा समिथेषु शत्रूनवोभिर्वा महद्भिः स प्र शृण्वे ॥ ४.०४१.०२
इन्द्रा हृ रत्नं वरुणा धेष्टेत्था नृभ्यः शशमानेभ्यस्ता ।
यदी सखाया सख्याय सोमैः सुतेभिः सुप्रयसा मादयैते ॥ ४.०४१.०३
इन्द्रा युवं वरुणा दिद्युमस्मिन्नोजिष्ठमुग्रा नि वधिष्टं वज्रम् ।
यो नो दुरेवो वृकतिर्दभीतिस्तस्मिन्मिमाथामभिभूत्योजः ॥ ४.०४१.०४
इन्द्रा युवं वरुणा भूतमस्या धियः प्रेतारा वृषभेव धेनोः ।
सा नो दुहीयद्यवसेव गत्वी सहस्रधारा पयसा मही गौः ॥ ४.०४१.०५
तोके हिते तनय उर्वरासु सूरौ दृशीके वृषणश्च पौंस्ये ।
इन्द्रा नो अत्र वरुणा स्यातामवोभिर्दस्मा परितक्म्यायाम् ॥ ४.०४१.०६
युवामिद्वयवसे पूव्याय परि प्रभूती गविषः स्वापी ।
वृणीमहे सख्याय प्रियाय शूरा मंहिष्ठा पितरेव शम्भू ॥ ४.०४१.०७
ता वां धियोऽवसे वाजयन्तीराजिं न जग्मुर्युवयूः सुदानू ।
श्रिये न गाव उप सोममस्थुरिन्द्रं गिरो वरुणं मे मनीषाः ॥ ४.०४१.०८
इमा इन्द्रं वरुणं मे मनीषा अगमन्नुप द्रविणमिच्छमानाः ।
उपेमस्थुर्जोष्टार इव स्ववो रध्वीरिव श्रवसो भिक्षमाणाः ॥ ४.०४१.०९
अश्वयस्य त्मना रथ्यस्य पुष्टेर्नित्यस्य रायः पतयः स्याम ।
ता चक्राणा ऊतिभिर्नव्यसीभिरस्मन्ना रायो नियुतः सचन्ताम् ॥ ४.०४१.१०
आ नो बृहन्ता बृहतीभिस्ती इन्द्र यातं वरुण वाजसातौ ।
यद्विद्यवः पृतनासु प्रक्रीळान्तस्य वां स्याम सनितार आजेः ॥ ४.०४१.११

मम द्विता राष्ट्रं क्षत्रियस्य विश्वायोर्विश्वे अमृता यथा नः ।
क्रतुं सचन्ते वरुणस्य देवा राजामि कृष्टेरुपमस्य वव्रेः ॥ ४.०४२.०१
अहं राजा वरुणो मह्यं तान्यसुर्याणि प्रथमा धारयन्त ।
क्रतुं सचन्ते वरुणस्य देवा राजामि कृष्टेरुपमस्य वव्रेः ॥ ४.०४२.०२
अहमिन्द्रो वरुणस्ते महित्वोर्वी गभीरे रजसी सुमेके ।
त्वष्टेव विश्वा भुवनानि विद्वान्समैरयं रोदसी धारय च ॥ ४.०४२.०३
अहमपो अपिन्वमुक्षमाणा धारयं दिवं सदन ऋतस्य ।
ऋतेन पुत्रो अदितेऋतावोत त्रिधातु प्रथयद्वि भूम ॥ ४.०४२.०४
मां नरः स्वश्वा वाजयन्तो मां वृताः समरणे हवन्ते ।
कृणोम्याजिं मघवाहमिन्द्र इयमि रेणुमभिभूत्योजाः ॥ ४.०४२.०५

अहं ता विश्वा चकरं नकिर्मा दैव्यं सहो वरते अप्रतीतम् ।
 यन्मा सोमासो ममदन्यदुक्थोभे भयेते रजसी अपारे ॥ ४.०४२.०६
 विदुष्टे विश्वा भुवनानि तस्य ता प्र ब्रवीषि वरुणाय वेधः ।
 त्वं वृत्राणि शृण्विषे जघन्वान्त्वं वृतां अरिणा इन्द्र सिन्धून् ॥ ४.०४२.०७
 अस्माकमत्र पितरस्त आसन्सप्त ऋषयो दौहि बध्यमानि ।
 त आयजन्त त्रसदस्युमस्या इन्द्रं न वृत्रतुरमर्धदेवम् ॥ ४.०४२.०८
 पुरुकुत्सानी हि वामदाशद्व्येभिरिन्द्रावरुणा नमोभिः ।
 अथा राजानं त्रसदस्युमस्या वृत्रहणं ददथुरर्धदेवम् ॥ ४.०४२.०९
 राया वयं ससवांसो मदेम ह्व्येन देवा यवसेन गावः ।
 तां धेनुमिन्द्रावरुणा युवं नो विश्वाहा धत्तमनपस्फुरन्तीम् ॥ ४.०४२.१०

क उ श्रवत्कतमो यज्ञियानां वन्दारु देवः कतमो जुषाते ।
 कस्येमां देवीमृतेषु प्रेष्ठां हृदि श्रेषाम सुष्टुतिं सुह्व्याम् ॥ ४.०४३.०१
 को मृळाति कतम आगमिष्ठो देवानामु कतमः शम्भविष्ठः ।
 रथं कमाहुर्द्रवदश्वमाशुं यं सूर्यस्य दुहितावृणीत ॥ ४.०४३.०२
 मक्षू हि ष्मा गच्छथ ईवतो दूनिन्द्रो न शक्तिं परितक्म्यायाम् ।
 दिव आजाता दिव्या सुपर्णा कया शचीनां भवथः शचिष्ठा ॥ ४.०४३.०३
 का वां भूदुपमातिः कया न आश्विना गमथो ह्यमाना ।
 को वां महश्चित्यजसो अभीक उरुष्यतं माध्वी दस्रा न ऊती ॥ ४.०४३.०४
 उरु वां रथः परि नक्षति द्यामा यत्समुद्रादभि वर्तते वाम् ।
 मध्वा माध्वी मधु वां प्रुषायन्यत्सीं वां पृक्षो भुरजन्त पक्वाः ॥ ४.०४३.०५
 सिन्धुर्ह वां रसया सिञ्चदश्वान्वृणा वयोऽरुषासः परि गमन् ।
 तद्गु षु वामजिरं चेति यानं येन पती भवथः सूर्यायाः ॥ ४.०४३.०६
 इहेह यद्वा समना पपृक्षे सेयमस्मे सुमतिर्वाजरत्ना ।
 उरुष्यतं जरितारं युवं ह श्रितः कामो नासत्या युवद्रिक् ॥ ४.०४३.०७

तं वां रथं वयमद्या हुषेम पृथुजयमश्विना संगतिं गोः ।
 यः सूर्यां वहति वन्धुरायुर्गिर्वाहसं पुरतमं वसूयुम् ॥ ४.०४४.०१
 युवं श्रियमश्विना देवता तां दिवो नपाता वनथः शचीभिः ।
 युवोर्वपुरभि पृक्षः सचन्ते वहन्ति यत्ककुहासो रथे वाम् ॥ ४.०४४.०२
 को वामद्या करते रातह्व्य ऊतये वा सुतपेयाय वाकैः ।
 ऋतस्य वा वनुषे पूर्व्याय नमो येमानो अश्विना वर्तत ॥ ४.०४४.०३
 हिरण्ययेन पुरुभू रथेनमं यज्ञं नासत्योप यातम् ।
 पिबाथ इन्मधुनः सोम्यस्य दधथो रत्नं विधते जनाय ॥ ४.०४४.०४
 आ नो यातं दिवो अच्छा पृथिव्या हिरण्ययेन सुवृता रथेन ।
 मा वामन्ये नि यमन्देवयन्तः सं यद्दे नाभिः पूर्व्या वाम् ॥ ४.०४४.०५

नू नो रयिं पुरुवीरं बृहन्तं दस्रा मिमाथामुभयेष्वस्मे ।
 नरो यद्वामश्चिना स्तोममावन्सधस्तुतिमाजमीळ्हासो अगमन् ॥ ४.०४४.०६
 इहेह यद्वामसमना पपृक्षे सेयमस्मे सुमतिवांजरत्ना ।
 उरुष्यतं जरितारं युवं हं श्रितः कामो नासत्या युवद्रिक् ॥ ४.०४४.०७

एष स्य भानुरुदियति युज्यते रथः परिज्मा दिवो अस्य सानवि ।
 पृक्षासो अस्मिन्मिथुना अधि त्रयो दृतिस्तुरीयो मधुनो वि रप्शते ॥ ४.०४५.०१
 उद्रां पृक्षासो मधुमन्त ईरते रथा अश्वास उषसो व्युष्टिषु ।
 अपोर्णुवन्तस्तम आ परीवृतं स्वर्णं शुक्रं तन्वन्त आ रजः ॥ ४.०४५.०२
 मध्वः पिबतं मधुपेभिरासभिस्त प्रियं मधुने युञ्जाथां रथम् ।
 आ वर्तनिं मधुना जिन्वथस्पथो दृतिं वहेथे मधुमन्तमश्चिना ॥ ४.०४५.०३
 हंसासो ये वां मधुमन्तो अस्त्रिधो हिरण्यपर्णा उहुव उषर्बुधः ।
 उप्रुतो मन्दिनो मन्दिनिस्पृशो मध्वो न मक्षः सर्वनानि गच्छथः ॥ ४.०४५.०४
 स्वध्वरासो मधुमन्तो अग्नय उस्त्रा जरन्ते प्रति वस्तोरश्चिना ।
 यन्निक्तहस्तस्तरणिर्विचक्षणः सोमं सुषाव मधुमन्तमद्रिभिः ॥ ४.०४५.०५
 आकेनिपासो अहभिर्दविध्वतः स्वर्णं शुक्रं तन्वन्त आ रजः ।
 सूरश्चिदश्चान्युयुजान ईयते विश्वा अनु स्वधया चेतथस्पथः ॥ ४.०४५.०६
 प्र वामवोचमश्चिना धियंथा रथः स्वश्चो अजरो यो अस्ति ।
 येन सद्यः परि रजांसि याथो हविष्मन्तं तरणिं भोजमच्छ ॥ ४.०४५.०७

अग्रं पिबा मधूनां सुतं वायो दिविष्टिषु ।
 त्वं हि पूर्वपा असि ॥ ४.०४६.०१
 शतेना नो अभिष्टिभिर्नियुत्वा इन्द्रसारथिः ।
 वायो सुतस्य तृम्पतम् ॥ ४.०४६.०२
 आ वा सहस्रं हरय इन्द्रवायू अभि प्रयः ।
 वहन्तु सोमपीतये ॥ ४.०४६.०३
 रथं हिरण्यवन्धुरमिन्द्रवायू स्वध्वरम् ।
 आ हि स्थाथो दिविस्पृशम् ॥ ४.०४६.०४
 रथेन पृथुपाजसा दाश्वासमुप गच्छतम् ।
 इन्द्रवायू इहा गतम् ॥ ४.०४६.०५
 इन्द्रवायू अयं सुतस्तं देवेभिः सजोषसा ।
 पिबतं दाशुषो गृहे ॥ ४.०४६.०६
 इह प्रयाणमस्तु वामिन्द्रवायू विमोचनम् ।
 इह वां सोमपीतये ॥ ४.०४६.०७

वायो शुक्रो अयामि ते मध्वो अग्रं दिविष्टिषु ।

आ याहि सोमपीतये स्पर्हो देव नियुत्वता ॥ ४.०४७.०१
 इन्द्रश्च वायवेषां सोमानां पीतिमर्हथः ।
 युवां हि यन्तीन्दवो निम्नमापो न सभ्र्यक् ॥ ४.०४७.०२
 वायविन्द्रश्च शुष्मिणा सरथं शवसस्पती ।
 नियुत्वन्ता न ऊतय आ यातं सोमपीतये ॥ ४.०४७.०३
 या वां सन्ति पुरुस्पृहो नियुतो दाशुषे नरा ।
 अस्मे ता यज्ञवाहसेन्द्रवायू नि यच्छतम् ॥ ४.०४७.०४

विहि होत्रा अवीता विपो न रायो अर्यः ।
 वायवा चन्द्रेण रथेन याहि सुतस्य पीतये ॥ ४.०४८.०१
 निर्युवाणो अशस्तीर्नियुत्वा इन्द्रसारथिः ।
 वायवा चन्द्रेण रथेन याहि सुतस्य पीतये ॥ ४.०४८.०२
 अनु कृष्णे वसुधिते येमाते विश्वपेशसा ।
 वायवा चन्द्रेण रथेन याहि सुतस्य पीतये ॥ ४.०४८.०३
 वहन्तु त्वा मनोयुजो युक्तासो नवतिर्नव ।
 वायवा चन्द्रेण रथेन याहि सुतस्य पीतये ॥ ४.०४८.०४
 वायो शतं हरीणां युवस्व पोष्याणाम् ।
 ऊत वा ते सहस्रिणो रथ आ यातु पाजसा ॥ ४.०४८.०५

इदं वामास्ये हविः प्रियमिन्द्राबृहस्पती ।
 उक्थं मदश्च शस्यते ॥ ४.०४९.०१
 अयं वां परिषिच्यते सोम इन्द्राबृहस्पती ।
 चार्स्र्मदाय पीतये ॥ ४.०४९.०२
 आ न इन्द्राबृहस्पती गृहमिन्द्रश्च गच्छतम् ।
 सोमपा सोमपीतये ॥ ४.०४९.०३
 अस्मे इन्द्राबृहस्पती रयिं धत्तं शतग्विनम् ।
 अश्चावन्तं सहस्रिणम् ॥ ४.०४९.०४
 इन्द्राबृहस्पती वयं सुते गीर्भिर्हवामहे ।
 अस्य सोमस्य पीतये ॥ ४.०४९.०५
 सोममिन्द्राबृहस्पती पिबतं दाशुषो गृहे ।
 मादयेथां तदोकसा ॥ ४.०४९.०६

यस्तस्तम्भ सहसा वि ज्मो अन्तान्बृहस्पतिस्त्रिषधस्थो रवेण ।
 तं प्रत्नास ऋषयो दीध्यानाः पुरो विप्रा दधिरे मन्द्रजिह्वम् ॥ ४.०५०.०१
 धुनेतयः सुप्रकेतं मदन्तो बृहस्पते अभि ये नस्तत्स्रे ।
 पृषन्तं सुप्रमदब्धमूर्वं बृहस्पते रक्षतादस्य योनिम् ॥ ४.०५०.०२

बृहस्पते या परमा परावदत आ त ऋतस्पृशो नि षेदुः ।
 तुभ्यं खाता अविता अद्रिदुग्धा मध्वं श्वेतन्त्यभितो विरप्शम् ॥ ४.०५०.०३
 बृहस्पतिः प्रथमं जायमानो महो ज्योतिषः परमे व्योमन् ।
 सप्तास्यस्तुविजातो रवेण वि सप्तरश्मिरधमत्तमांसि ॥ ४.०५०.०४
 स सुष्टुभा स ऋक्वता गणेन वलं रुरोज फलिगं रवेण ।
 बृहस्पतिरुस्रिया हव्यसूदः कनिकदद्वावशतीरुदाजत् ॥ ४.०५०.०५
 एवा पित्रे विश्वदेवाय वृष्णे यज्ञैर्विधिम नमसा हविर्भिः ।
 बृहस्पते सुप्रजा वीरवन्तो वयं स्याम पतयो रयीणाम् ॥ ४.०५०.०६
 स इद्राजा प्रतिजन्यानि विश्वा शुष्मेण तस्थावभि वीर्येण ।
 बृहस्पतिं यः सुभृतं बिभर्ति वल्गूयति वन्दते पूर्वभाजम् ॥ ४.०५०.०७
 स इत्क्षेति सुधित ओकसि स्वे तस्मा इळा पिन्वते विश्वदानीम् ।
 तस्मै विशः स्वयमेवा नमन्ते यस्मिन्ब्रह्मा राजनि पूर्व एति ॥ ४.०५०.०८
 अप्रतीतो जयति सं धनानि प्रतिजन्यान्युत या सजन्या ।
 अवस्यवे यो वरिवः कृणोति ब्रह्मणे राजा तमवन्ति देवाः ॥ ४.०५०.०९
 इन्द्रश्च सोमं पिबतं बृहस्पतेऽस्मिन्यज्ञे मन्दसाना वृषण्वसू ।
 आ वा विशन्तिवन्दवः स्वाभुवोऽस्मे रयिं सर्ववीरं नि यच्छतम् ॥ ४.०५०.१०
 बृहस्पत इन्द्र वधतं नः सचा सा वा सुमतिभूत्वस्मे ।
 अविष्टं धियो जिगृतं पुरधीर्जजस्तमर्यो वनुषामरातीः ॥ ४.०५०.११

इदमु त्यत्पुस्तमं पुरस्ताज्ज्योतिस्तमसो व्युनावदस्थात् ।
 नूनं दिवो दुहितरो विभातीर्गातुं कृणवन्नुषसो जनाय ॥ ४.०५१.०१
 अस्थुरु चित्रा उषसः पुरस्तान्मिता इव स्वरवोऽध्वरेषु ।
 व्यूत्रजस्य तमसो द्वारोच्छन्तीर्रञ्छुचयः पावकाः ॥ ४.०५१.०२
 उच्छन्तीरद्य चितयन्त भोजान्राधोदेयायोषसो मघोनीः ।
 अचित्रे अन्तः पणयः ससन्त्वबुध्यमानास्तमसो विमध्ये ॥ ४.०५१.०३
 कृवित्स देवीः सनयो नवो वा यामो बभूयादुषसो वो अद्य ।
 येना नवगवे अङ्गिरे दशगवे सप्तास्ये रेवती रेवदुष ॥ ४.०५१.०४
 यूयं हि देवीर्ऋतयुग्भिरश्वैः परिप्रयाथ भुवनानि सद्यः ।
 प्रबोधयन्तीरुषसः ससन्तं द्विपाच्चतुष्पाच्चरथाय जीवम् ॥ ४.०५१.०५
 क्वं स्विदासां कतमा पुराणी यया विधाना विदधुर्ऋभूणाम् ।
 शुभं यच्छुभ्रा उषसश्चरन्ति न वि ज्ञायन्ते सदृशीरजुर्याः ॥ ४.०५१.०६
 ता घा ता भद्रा उषसः पुरासुरभिष्टिद्युम्ना ऋतजातसत्याः ।
 यास्वीजानः शशमान उक्थे स्तुवञ्छंसन्द्रविणं सद्य आप ॥ ४.०५१.०७
 ता आ चरन्ति समना पुरस्तात्समानतः समना पप्रथानाः ।
 ऋतस्य देवीः सदसो बुधाना गवां न सर्गा उषसो जरन्ते ॥ ४.०५१.०८
 ता इन्नवेव समना समानीरमीतवर्णा उषसश्चरन्ति ।

गूहन्तीरभ्वमसितं रुशङ्गिः शुक्रास्तनूभिः शुचयो रुचानाः ॥ ४.०५१.०९
 रयिं दिवो दुहितरो विभातीः प्रजावन्तं यच्छतास्मासु देवीः ।
 स्योनादा वः प्रतिबुध्यमानाः सुवीर्यस्य पतयः स्याम ॥ ४.०५१.१०
 तद्वो दिवो दुहितरो विभातीरुप ब्रुव उषसो यज्ञकेतुः ।
 वयं स्याम यशसो जनेषु तद्यौश्च धत्तां पृथिवी च देवी ॥ ४.०५१.११

प्रति ष्या सूनरी जनी व्युच्छन्ती परि स्वसुः ।
 दिवो अदर्शि दुहिता ॥ ४.०५२.०१
 अश्वेव चित्रारुषी माता गवामृतावरी ।
 सखाभूदश्विनोरुषाः ॥ ४.०५२.०२
 उत सखास्यश्विनोस्त माता गवामसि ।
 उत्तोषो वस्व ईशिषे ॥ ४.०५२.०३
 यावयद्द्वेषसं त्वा चिकित्वित्सूनृतावरि ।
 प्रति स्तोमैरभुत्स्महि ॥ ४.०५२.०४
 प्रति भद्रा अदृक्षत गवां सर्गां न रश्मयः ।
 ओषा अप्रा उरु जयः ॥ ४.०५२.०५
 आपप्रुषी विभावरि व्यावज्योतिषा तमः ।
 उषो अनु स्वधामव ॥ ४.०५२.०६
 आ द्यां तनोषि रश्मभिरान्तरिक्षमुरु प्रियम् ।
 उषः शुक्रेण शोचिषा ॥ ४.०५२.०७

तद्देवस्य सवितुर्वायं महद्वृणीमहे असुरस्य प्रचेतसः ।
 छर्दियेन दाशुषे यच्छति त्मना तन्नो महो उदयान्देवो अक्तुभिः ॥ ४.०५३.०१
 दिवो धर्ता भुवनस्य प्रजापतिः पिशङ्गं द्रापिं प्रति मुञ्चते कविः ।
 विचक्षणः प्रथयन्नापृणन्नूर्वाजीजनत्सविता सुम्नमुक्थ्यम् ॥ ४.०५३.०२
 आप्रा रजांसि दिव्यानि पार्थिवा श्लोकं देवः कृणुते स्वाय धर्मणे ।
 प्र बाहू अस्त्राक्सविता सवीमनि निवेशयन्प्रसुवन्नक्तुभिर्जगत् ॥ ४.०५३.०३
 अदाभ्यो भुवनानि प्रचाकशद्वतानि देवः सविताभि रक्षते ।
 प्रास्राग्बाहू भुवनस्य प्रजाभ्यो धृतव्रतो महो अज्मस्य राजति ॥ ४.०५३.०४
 त्रिरन्तरिक्षं सविता माहित्वना त्री रजांसि परिभुस्त्रीणि रोचना ।
 तिस्रो दिवः पृथिवीस्तिस्र इन्वति त्रिभिर्त्रैरभि नो रक्षति त्मना ॥ ४.०५३.०५
 बृहत्सुम्नः प्रसवीता निवेशनो जगत स्थातुरुभयस्य यो वशी ।
 स नो देवः सविता शर्म यच्छत्वस्मे क्षयाय त्रिवरूथमंहसः ॥ ४.०५३.०६
 आगन्देव ऋतुभिर्वधतु क्षयं दधातु नः सविता सुप्रजामिषम् ।
 स नः क्षपाभिरहभिश्च जिन्वतु प्रजावन्तं रयिमस्मे समिन्वतु ॥ ४.०५३.०७

अभूद्देवः सविता वन्द्यो नु न इदानीमह्नु उपवाच्यो नृभिः ।
 वि यो रत्ना भजति मानवेभ्यः श्रेष्ठो नो अत्र द्रविणं यथा दधत् ॥ ४.०५४.०१
 देवेभ्यो हि प्रथमं यज्ञियेभ्योऽमृतत्वं सुवसि भागमुत्तमम् ।
 आदिद्दामानं सवितर्व्यूणुषेऽनूचीना जीविता मानुषेभ्यः ॥ ४.०५४.०२
 अचित्ती यच्चकृमा दैव्ये जने दीनैर्दक्षैः प्रभूती पूरुषत्वता ।
 देवेषु च सवितर्मानुषेषु च त्वं नो अत्र सुवतादनगिसः ॥ ४.०५४.०३
 न प्रमिये सवितुर्दैव्यस्य तद्यथा विश्वं भुवनं धारयिष्यति ।
 यत्पृथिव्या वरिमन्ना स्वङ्गुरिर्वर्ष्मन्दिवः सुवति सत्यमस्य तत् ॥ ४.०५४.०४
 इन्द्रज्येष्ठान्बृहद्भ्यः पर्वतेभ्यः क्षया एभ्यः सुवसि पस्त्यावतः ।
 यथायथा पतयन्तो वियेमिर एवैव तस्थुः सवितः सवार्यं ते ॥ ४.०५४.०५
 ये ते त्रिरहन्सवितः सवासो दिवेदिवे सौभगमासुवन्ति ।
 इन्द्रो द्यावापृथिवी सिन्धुरङ्गिरादित्यैर्नो अदितिः शर्मं यंसत् ॥ ४.०५४.०६

को वस्त्राता वसवः को वस्ता द्यावाभूमी अदिते त्रासीथां नः ।
 सहीयसो वरुण मित्र मर्तात्को वोऽध्वरे वरिवो धाति देवाः ॥ ४.०५५.०१
 प्र ये धामानि पूर्याण्यर्चान्वि यदुच्छान्वियोतारो अमूराः ।
 विधातारो वि ते दधुरजस्रा ऋतधीतयो रुरुचन्त दस्माः ॥ ४.०५५.०२
 प्र पस्त्याश्मदितिं सिन्धुमर्कैः स्वस्तिमीळे सख्याय देवीम् ।
 उभे यथा नो अहनी निपात उषासानक्ता करतामदब्धे ॥ ४.०५५.०३
 व्यर्यमा वरुणश्चेति पन्थामिषस्पतिः सुवितं गातुमग्निः ।
 इन्द्राविष्णू नृवदुषु स्तवाना शर्मं नो यन्तममवद्दरूथम् ॥ ४.०५५.०४
 आ पर्वतस्य मरुतामवांसि देवस्य त्रातुरत्रि भगस्य ।
 पात्पतिर्जन्यादहसो नो मित्रो मित्रियादुत न उरुष्येत् ॥ ४.०५५.०५
 नू रोदसी अहिना बुध्येन स्तुवीत देवी अप्येभिरिष्टैः ।
 समुद्रं न संचरणे सनिष्यवो घर्मस्वरसो नद्योऽपं व्रन् ॥ ४.०५५.०६
 देवैर्नो देव्यदितिर्नि पातु देवस्त्राता त्रायतामप्रयुच्छन् ।
 नहि मित्रस्य वरुणस्य धासिमर्हामसि प्रमियं सान्वग्नेः ॥ ४.०५५.०७
 अग्निरीशे वसव्यस्याग्निर्महः सौभगस्य ।
 तान्यस्मभ्यं रासते ॥ ४.०५५.०८
 उषो मघोन्या वह्नु सूनृते वायां पुरु ।
 अस्मभ्यं वाजिनीवति ॥ ४.०५५.०९
 तत्सु नः सविता भगो वरुणो मित्रो अर्यमा ।
 इन्द्रो नो राधसा गमत् ॥ ४.०५५.१०

मही द्यावापृथिवी इह ज्येष्ठे रुचा भवतां शुचर्याङ्गिरैः ।
 यत्सी वरिष्ठे बृहती विमिन्वन्नृवद्भोक्षा पप्रथानेभिरेवैः ॥ ४.०५६.०१

दे॒वी दे॒वेभि॑र्य॒जते॑ य॒जत्रै॑रमि॒नती॑ त॒स्थतु॑रु॒क्षमा॑णि ।
 ऋ॒ताव॑री अ॒द्रुहा॑ दे॒वपु॑त्रे य॒ज्ञस्य॑ ने॒त्री शु॒चय॑द्भि॒रकैः॑ ॥ ४.०५६.०२
 स इ॒त्स्वपा॑ भु॒वने॑ष्वा॒स य इ॒मे द्या॑वापृथि॒वी ज॒जान॑ ।
 उ॒र्वी ग॑र्भे॒रे रज॑सी सु॒मेके॑ अ॒व॒ंशे धी॑रः श॒च्या॑ स॒मैर॑त् ॥ ४.०५६.०३
 नू रो॑दसी बृ॒हद्भि॑र्नो वरू॒थैः प॒त्नीव॑द्भि॒रिष्य॑न्ती स॒जोषाः॑ ।
 उ॒रूची॑ वि॒श्वे य॒जते॑ नि पा॒तं धि॒या स्या॑म र॒थ्यः स॒दासाः॑ ॥ ४.०५६.०४
 प्र वां॑ महि॒ द्यवी॑ अभ्यु॒पस्तु॑तिं भ॒राम॑हे ।
 शु॒ची उ॒प प्र॑शस्तये ॥ ४.०५६.०५
 पु॒ना॒ने त॒न्वा मि॒थः स्वे॒न द॒क्षेण॑ रा॒जथः॑ ।
 ऊ॒ह्याथे॑ स॒नाद॑तम् ॥ ४.०५६.०६
 म॒ही मि॒त्रस्य॑ सा॒धथ॑स्तर॒न्ती पि॒प्रती॑ ऋ॒तम् ।
 परि॑ य॒ज्ञं नि॒ षे॒दथुः॑ ॥ ४.०५६.०७

क्षे॒त्रस्य॑ पति॒ना व॒यं ह्मि॑ते॒नेव॑ ज॒याम॑सि ।
 गा॒मश्च॑ पोषयि॒त्त्वा स॑ नो मृ॒ळाती॑दृ॒शे ॥ ४.०५७.०१
 क्षे॒त्रस्य॑ प॒ते म॒धुम॑न्त॒मूमि॑ धे॒नुरि॑व॒ पयो॑ अ॒स्मासु॑ धु॒क्ष्व ।
 म॒धुश्चु॑तं घृ॒तमि॑व॒ सुपू॑त॒मृत॑स्य॒ नः प॑त॒यो मृ॒ळय॑न्तु ॥ ४.०५७.०२
 म॒धुम॑ती॒रोष॑धी॒द्याव॑ आपो॒ मधु॑म॒न्नो भ॑व॒त्वन्तरि॑क्षम् ।
 क्षे॒त्रस्य॑ पति॒र्मधु॑मा॒न्नो अ॒स्त्वरि॑ष्यन्तो अ॒न्वेन॑ च॒रेम॑ ॥ ४.०५७.०३
 शु॒नं वा॑हाः शु॒नं नरः॑ शु॒नं कृ॑षतु ला॒ङ्गल॑म् ।
 शु॒नं वर॑त्रा ब॒ध्यन्तां॑ शु॒नम॑ष्टा॒मुदि॑ङ्ग॒य ॥ ४.०५७.०४
 शु॒ना॒सीरा॑वि॒मां वाचं॑ जुषे॒थां यद्वि॑वि च॒क्रथुः॑ प॒यः ।
 ते॒नेमा॑मु॒प॑ सिञ्च॒तम् ॥ ४.०५७.०५
 अ॒र्वाची॑ सु॒भगे॑ भ॒व सी॑ते॒ वन्दा॑महे॒ त्वा ।
 यथा॑ नः सु॒भगा॑स॒सि यथा॑ नः सु॒फला॑स॒सि ॥ ४.०५७.०६
 इन्द्रः॑ सी॒तां नि॑ गृ॒ह्णातु॑ तां पू॒षानु॑ यच्छ॒तु ।
 सा नः॑ प॒यस्व॑ती दु॒हामु॑त्त॒रामु॑त्त॒रां स॒माम् ॥ ४.०५७.०७
 शु॒नं नः॑ फा॒ला वि॑ कृ॒षन्तु॑ भूमिं शु॒नं की॑नाशा॒ अभि॑ यन्तु वा॒हैः ।
 शु॒नं प॒र्जन्यो॑ म॒धुना॑ प॒योभिः॑ शु॒ना॒सीरा॑ शु॒नम॑स्मासु॒ धत्त॑म् ॥ ४.०५७.०८

स॒मुद्रा॑द्भि॒र्मधु॑माँ उ॒दार॑दु॒पांशु॑ना॒ सम॑मृ॒तत्व॑मा॒नद॑ ।
 घृ॒तस्य॑ ना॒म गु॒ह्यं यद॑स्ति जि॒ह्वा दे॒वाना॑म॒मृत॑स्य॒ नाभिः॑ ॥ ४.०५८.०१
 व॒यं ना॑म प्र ब्र॒वामा॑ घृ॒तस्या॑स्मि॒न्यज्ञे॑ धा॒रयामा॑ न॒मोभिः॑ ।
 उ॒प॑ ब्र॒ह्मा शृ॑णवच्छ॒स्यमा॑नं च॒तुःशृ॑ङ्गोऽव॒मीद्वै॑र ए॒तत् ॥ ४.०५८.०२
 च॒त्वारि॑ शृ॒ङ्गा त्रयो॑ अस्य॒ पादा॑ द्वे शी॒र्षे स॒प्त ह॑स्ता॒सो अ॑स्य ।
 त्रि॒धा ब॒द्धो वृ॑षभो रो॒रवी॑ति॒ महो॑ दे॒वो म॑त्यो॒ आ वि॑विश ॥ ४.०५८.०३

त्रिधा॑ हितं॑ प॒णिभिर्गुह्य॑मानं॒ गवि॑ दे॒वासो॑ घृ॒तमन्व॑विन्दन् ।
 इन्द्र॑ एकं॒ सूर्य॑ एकं॒ जजान॑ वे॒नादेकं॑ स्व॒धया॑ निष्ट॑तक्षुः ॥ ४.०५८.०४
 ए॒ता अ॑र्षन्ति हृ॒द्यात्समु॑द्राच्छ्रु॒तव्र॑जा रि॒पुणा॑ नाव॒चक्षे॑ ।
 घृ॒तस्य॑ धारा॒ अभि॑ चा॒कशी॑मि हि॒रण्य॑यो॒ वेत॑सो मध्य॑ आसाम् ॥ ४.०५८.०५
 स॒म्यक्स्र॑वन्ति स॒रितो॑ न धे॒ना अ॒न्तर्हृ॑दा म॒नसा॑ पू॒यमा॑नाः ।
 ए॒ते अ॑र्षन्त्यु॒र्मयो॑ घृ॒तस्य॑ मृ॒गा इ॒व क्षि॑प॒णोरी॑ष॒माणाः ॥ ४.०५८.०६
 सि॒न्धोरि॑व प्रा॒ध्वने॑ शू॒घना॑सो वा॒तप्र॑मियः प॒तय॑न्ति य॒ह्वाः ।
 घृ॒तस्य॑ धारा॒ अरु॑षो न वा॒जी का॑ष्ठा॒ भिन्द॑न्नु॒र्मिभिः॑ पि॒न्वमा॑नः ॥ ४.०५८.०७
 अ॒भि प्र॑व॒न्त सम॑ने॒व योषाः॑ क॒ल्याण्य॑शुः स्म॒यमा॑नासो अ॒ग्निम् ।
 घृ॒तस्य॑ धाराः॒ समि॑धो॒ नस॑न्त॒ ता जु॑षा॒णो ह॑र्यति जा॒तवे॑दाः ॥ ४.०५८.०८
 क॒न्या इ॒व व॑हु॒मेत॑वा उ॒ अञ्ज्य॑ञ्जाना॒ अभि॑ चा॒कशी॑मि ।
 यत्र॑ सोमः॒ सूय॑ते यत्र॑ य॒ज्ञो घृ॒तस्य॑ धारा॒ अभि॑ तत्प॒वन्ते ॥ ४.०५८.०९
 अ॒भ्यर्ष॑त सु॒ष्टुतिं॑ ग॒व्यमा॑जि॒मस्मासु॑ भ॒द्रा द्र॑वि॒णानि॑ धत्त ।
 इ॒मं य॒ज्ञं न॑यत॒ देवता॑ नो घृ॒तस्य॑ धारा॒ मधु॑मत्प॒वन्ते ॥ ४.०५८.१०
 धाम॑न्ते वि॒श्वं भु॑व॒नमधि॑ श्रि॒तम॑न्तः स॒मुद्रे॑ हृ॒द्यश्र॑न्तरायुषि ।
 अ॒पामनी॑के॒ समि॑थे॒ य आ॑भृ॒तस्तम॑श्याम॒ मधु॑मन्तं॒ त ऊ॒र्मिम् ॥ ४.०५८.११

Special mention : Initial processing and help by Avinash and Shashi Sathaye,
 Avinash Chopde, Shree Devi Kumar, Sunder Hattangadi, John Gardner.
 Reprocessed from Original in final form by Detlef Eichler with additional corrections.
 See Detlef's site <http://detlefeichler.googlepages.com/Rigveda.htm>
 for other details and formats.

The text is shown with accents (Anudattas, dependent Svaritas,
 and independent Svaritas including Kampas). Words are connected (agnimILe).
 Ch is doubled as in gachChati according to the rules of Rigveda-Pratishakhya.
 At the end of a word m is replaced by Anusvara M if the initial letter of the
 following word is a labial stop consonant (p, ph, b, bh, m).

Source : The Aufrecht/van Nooten/Holland (Samhita) version
 of the Rigveda (<http://www.people.fas.harvard.edu/witzel/onlineRV.htm>).
 In this text accented vowels have Udatta or 'independent Svarita' markers.
 Kampas are not shown. Words are separated (agnim ILe).
 Ch is not doubled as in gaChati. At the end of a word we find m before
 a following labial stop consonant (p, ph, b, bh, m).

Send corrections to : DetlefEichler at gmx.net, sanskrit@cheerful.com

The text is to be used for personal studies and research only.

Any use for commercial purpose is prohibited as a 'gentleman's' agreement.

Please send corrections to sanskrit@cheerful.com
Last updated April 30, 2009